

林鴻傳

林鴻字子羽福清人少任俠不羈讀書能強記高皇帝時部使者以人才薦授將樂儒學訓導居七年擢拜膳部員外郎高廟臨軒試龍池春曉孤雁二詩一日名動京師是時鴻年未四十也國初治尚操切而鴻性脫落不善仕又以爲散秩無自表見遂自免歸歸益閉門謝客肆力爲詩顧獨數遊三山三山周玄黃玄皆師事鴻學爲詩也世稱二玄云凡閩人言詩者皆

本鴻所稱林敏陳仲宏鄭關林伯璟張友謙趙
廸諸人皆鴻之弟子也鴻有集曰膳部以曾爲
膳部郎云

黃玄傳

黃玄字玄之候官人也其初本將樂人林子羽
爲將樂學官時黃玄爲弟子子羽雅重黃玄嘗
爲詩稱青衿二十徒達者惟黃玄云而黃玄益
嚴事子羽及子羽棄官歸黃玄挈妻子入閩中
終身師事之已而以歲貢入成均老矣竟授泉
州訓導卒著詩若干卷皆軼不傳

周玄傳

周玄字微之閩縣人也永樂中以文學徵拜祠
部尚書郎其爲詩瓌奇託興悠遠嘗賦揭天謠
若干篇論者謂其怪如長吉云生平多所論著
率軼不傳維時蓋經義之士嚮風而雅道闕矣

林鴻二玄傳

終

看菴詩序

予布衣時雅聞楊孟載先生盛名及入翰林爲
史官奉勅纂修大明一統誌攷先生先世子蜀
嘉州人因大父仕江左而生吳中遂家焉又誦
先生詩云我家岷山更西住正見岷山發源處
於是乎益知先生雖生吳中實蜀人也先生生
于元末仕于國初宏遠之器醇正之學初令
滎陽再謫鍾離閑居江寧句曲久之被薦陞江
西省幕賓復使湖南廣右累官山西按察使誌

載先生讀書日記數千言尤工於詩與高啓徐
黃張羽爲詩友故時有高楊張徐之稱云先生
所著看菴集有五七言古體五七言律詩及歌
行排律絕句詞曲總若干篇教授鄭鋼編集已
板行矣字多訛謬先後失序而缺畧尤甚識者
惜焉吳中張公企翺以名進士累官廣東僉憲
素重先生之詩每遇公暇輒研究之補其缺畧
次其先後履歷之序字之訛謬者悉攷正之釐
爲十二卷繡梓以廣其傳其用心亦厚矣哉間

以示予俾爲之序夫詩言志也三百篇之後變
而爲漢魏爲六朝宋元以前惟唐爲盛今先生
之詩穠麗纖蔚藹然正大和平之音殆有唐人
風味夫豈易得者哉僉憲公能俾先生之詩大
顯于天下後世天下後世卽其詩可以知其志
知其志可以知其人然則先生不但有光於吳
而且有光於蜀也予後生小子因僉憲公之命
不敢以繆悠辭而僭序之其景仰之誠得不於
是而少舒哉

成化二十年夏六月既望賜進士奉直大夫廣
東市舶提舉前翰林侍讀學士經筵官兼太子
講讀古淪江朝宗書

石倉十二代詩選

明詩卷之十四

睂菴集

大明

吳郡楊基著

感懷

後學曹學佺閱

鵲巢知避歲終爲鳩所居巧者勞不足拙者安
有餘溪翁夜結網山人朝煮魚隆準八關中不
讀半卷書當時徵張韓乃與信廣俱大拙乃至
巧巧者復何如

其二

歷代詩選 日抄五章
斷餘更悄平生所欣遇此夕紛內擾假寐入冥
思南枝有歸鳥

其三

夜坐復不樂起行亦無悰徘徊二者間百憂結
心胸歲事忽已遷復共喪亂逢一身愧無補况
乃祿萬鍾月林鵲翻翻風江鴈噉噉棲止苟有
託遲暮還相從

其四

高梧蔭崇岡衰草被廣陌風微夕露涼星淡秋

河白芳辰無物謝孤抱綠愁積佳人在何許悵
望江浦隔昨會月初弦徘徊又生魄

登靈岩和韻周左丞伯溫饒大叅介之

單艦集羣英席窄坐每盞燵橫半掩寺木落全
見塔斜流出渠分曲徑轉溪合村妝妍醜並埜
話悲笑雜童操吳音聞僧作梵偈苔霜苔滑難
躋露棘朽易拉磴紆蝥綠樹扉敞蝸啓闔娛賓
列五豆禮佛過三帟晴崖暝憂雨秋洞寒凝膈
窓攀盜果須簷入避鷓鴣掬池萍沾袖憇石薜

汚衲琴忘荒臺弄鑠響回廊踏值險慮思筇得
竒卽傾榼華年倏川駛雅量浩海納嘯歌激欵
歎雄辯肆交沓狂遊類飲酎薄宦避嚼螭終當
謝塵鞅掃屋分坐榻

雨中効韋體寄季廸止仲道衍仲温四首

屢覲歡未終乍遠離緒繞冥冥鄉國陰獨坐空
齋曉鵲啼春樹密花落流鶯少不有郢中吟何
由寫懷抱

又

久靜厭紛俗齋居自玄處遙知久默暝共此瀟
瀟雨屢驚芳節換暫覺清音阻欲扣竹間扉棋
聲隔春渚

又

叢林翳重岡迢遞僧居獨憑軒一悵望春雨靡
蕪綠泉香花落磻窓暝松園屋憶爾諷經餘袈
裟坐深竹

又

別君俄兼旬芳景已云暮南風吹新綠欲暗庭

歷代詩選 明 楊 孟 詩 四
前樹騶鳴孤驛曉鴉散春城曙盼此慰離憂新
知忽成故

遊北寺竹林

僧居古城陰迢遞通萬竹林光落虛牖坐愛衣
裳綠齋餘孤磬晚茶罷微煙續道人悟重玄淡
然無衆欲譬彼石根泉高亭湛寒淥

雨中期袁宰不至

晨興罷巾櫛撫卷對秋渚幽人期不至值此瀟
瀟雨豈緣俗情牽致此清興阻呼童掃庭蕪落

葉深幾許更採石田芝空齋遲君煮

東臯爲馬仲蔚賦

初夏藹衆綠霏霏繞園霧橫書散輕策愜我林
臯趣衣涼水氣襲屐潤苔痕汗雨菌結芝肪燿
莎綠鶴步意銷念慮寧景適真樂遇衆妙八靜
觀前非覺神悟江花自孤婉芳草忽已暮爲鼓
朱絃琴南風在庭樹

觀魚

池陰樹影涼白小紛成隊吹絮圓漚續觸荷清

歷代詩選 明 楊 孟 章 五
露碎俄沈靜却浮忽遇驚還退幸免釣絲憂江
鱸且克膾

上巳遊虎丘值雨寓平遠齋

層軒構崇丘綠樹帶吳苑鳩鳴春竹靜鶴下煙
汀遠初登已神暢稍久竟忘返松高急雨過草
弱微風偃幽潭闕靈跡氣濕龍蜿蜿俯深戒臨
危歷險知步蹇歸途極遐矚蒼茫失西巘

贈真性空

上人真如心悟徹物我間廿年任名山已復到

彼岸六觀會萬有一覺破諸幻袈裟坐綠蘚鳥
悅林影散琴清風在竹碣古石當澗贈以青蓮
花搖搖落秋瓣

聽松軒

鳥棲衆喧寂月出萬壑靜秋聲松外來歷歷生
我聽繁音雜宮徵空響調竽磬風細覺潛消山
虛故相應幽人掩書坐瞑目兩耳定聲聽忽兩
忘適然發孤咏

僧寺感秋

一榻卧僧室歸憂夕九至燈昏燼垂華香斷灰
成字斜光破窓月急響虛簷吹遙想宦遊人應
憐此中意

長洲春

縠波流暖雲花光艷綠蘋津頭洗紅女蝴蝶上
羅裙羅裙秋水明璫搖白槳飛下雙鴛鴦溘
溘湖水響

橫塘晚

川氣夕氤氲愁雲凝晚綠蘭舟蕩秋水東向橫

澗宿橫塘花正開紅桃間竹栽誰家織白苧機
聲度水來

梧宮夜

桐堦白露下濕螢光炯炯銅盤燒螭黃秋衾夢
魂冷粉泪鉛華滴雲鬢秋蟬整何處玉鑿聲芙蓉
嘆孤影

楓陵秋

楓樹落清曉野煙結愁陰聲傳燒竹火人語滄
波深鳧飛秋水黑蛩吟涼露白江月參差光芙蓉

歷代詩選 明核五載 七
蓉照芳魄

越來溪

遠岫如蛾眉紫菱葢綠漪小娃木蘭槳採菱上
溪歸溪風搖白芷掠亂蘋花起疑是越兵來旌
旗照秋水

滄浪波

入苑綠泱泱穀紋融暖光東風吹白浪照見赤
龍堂龍堂負貝闕陰火春波蕤鮫人賣髯綃夜
夜唱明月

綺川遊

川水東北流川花照青樓龍船載鳳吹日來川
上遊沙明屬玉止茗香翡翠留漁郎蒲葉底網
得雙吳鉤

茂苑思

輦路秋蓬蒲野香團綠濕嬪娥粉黛愁媽花鈿
露泣鶯聲舊時好玉砌秋歸早東家蝴蝶飛煙
姿滿芳草

淮陰祠

歷代詩選

周易

卷十三

大

歷代詩選 四 卷五
朝登歌風臺暮入淮陰祠祠荒屋瓦落古木聲
差差當時握漢兵劉項交相持舉足有輕重不
負高帝知區區假王封如何遽見疑良平一躡
足帝心卽轉移全齊七十城實爲陷穽機後來
雲夢遊此禍乃致之盧縮且稱王耻與絳灌隨
居常獨怏怏握手逢陳豨事起倉卒間不意成
誅夷呂后固不仁鄼侯亦恐爲先王重報功無
乃此道虧至今淮水南落日啼鳥悲津頭問漂
母一飯竟哀誰

送叅政錢誠夫之淮安

潮落大江渾鳥啼曙色分公侯千萬騎送別隘
人門威儀督府嚴禮秩節度尊兩淮甲冑七十
年弓箭痕南陽與豐沛自古重承恩

客館秋思

閉齋闕秋陰弱蕙風屢偃蕭蕭微涼至坐怯疎
簾捲哀蟬聽漸急歸燕嗟已晚忽動故園思山
川匪遙遠

白髮

歷代詩選 卷十四 九
白髮無貴賤愁人先得之嗟我愁苦多四十髮
有絲我愁實累髮愁豈髮所爲白髮勿笑我可
喜不可悲紛紛霄壤間幾人得如斯

歲暮書事

薄雲靄微陰江遠日易墮蒼然望平楚正與西
山對冥冥孤鴻矯接接昏鴉退感茲歲年暮矧
爾疇俗背賴有谷申蘭參差可爲佩

汉口與洪鎮撫夜話

我船行何遲君船下來急鳥啼月初上鷗靜露

已濕褰衣步危沙細語成久立回瀾激空穴風
響相嗟吸君才誠國士富貴可俯拾臨流莫看
劍恐駭寒江蟄

霧中望新淦縣

隔窓聞鷄聲咫尺望新淦江寒白霧起驛樹連
城暗瀾瀾浦溆濶晃晃日色淡亦有渡江人津
頭解狐纜

自湖西發舟望瀑布

泊舟廬山下北風吹不休山靈知我來故以風

歷代詩選 明核 五章 十一
相留褰衣陟危沙曠然得平疇柳色綠尚淺芳
草青以柔仰觀瀑布泉復作河漢流爐熏旣冉
冉鹿鳴亦呦呦乃因淹留中終得此日遊向非
風濤力卽能極冥搜作詩寓所感萬事無先謀

望岳麓

我爲長沙客不醉長沙酒爲愛岳麓山繫舟城
邊柳峰巒一何秀膏沐春雨後蛾綠淨洗妝方
知朱鉛醜所嗟山中寺頽圯想已久嶙峋北海
碑千載獨不朽信爲神靈惜長使山鬼守褰衣
欲訪古日落辰在酉荒煙鳥雀喧竹密虎兕吼
老眼念後期未知重來否

湘女

湘水綠瀾瀾湘山碧峨峨空明影上下但覺禽
鳥多我方任輕橈聽彼湘女歌湘女淡掃睂素
頰垂兩螺幽蘭結短佩徐行拂青莎春風吹衣
裙芳香動微波淑質自妍麗不待綺與羅真修
慎所適窈窕山之阿盈盈青樓婦日暮將如何

湘江道中思常宗

歷代詩選 明穆宗朝 十一
暮江散微雨風定波自碧一鷺立不飛雙鴻遞
相直餘煙菱女唱新月漁郎笛此處忽懷人相
思杳何極

過道士泮

茲山如青蜺俯飲江水曲邦人失偉觀日以道
士泮中有百歲墳石室蔭藜木當時涸三泉鳧
鴈秘金玉畋師辟虎豹武士禁采牧未爲茲山
榮竟爲茲山辱至今湘漢流到此屢回伏春風
吹急雨石斷苔蘚綠亦有斧斤聲丁丁响幽谷

零陵感春

舟行苦淫雨雨晴身亦輕暢如辭喧甲振衣登
高明羣芳沐春容瑩然看日清萬綠陰疑疑孤
禽語嚶嚶憶昨初戒途飛雪沾我纓桃李寂未
華一二春草生漂泊復幾時花落已縱橫花落
非足惜念此歲序更慷慨向秀笛從容桓伊箏
曠達自不凡悲憤何當平嗟嗟高世士疊疊勤
修名

姑蘇臺

歷代詩選 明穆宗 卷十四
姑蘇臺下清江晚斜日江心照闌檻臺上西施
醉捧心江邊東越愁嘗膽鴟夷裹屍去不還麋
鹿散迹遊其間功成却羨陶朱子一葉扁舟弄
雲水

約范園看杏花

西園杏花如雪明年年看花春滿城烏紗小帽
插花舞碧羅窄袖穿花行花今仍發當年道淨
洗胭脂省淡掃僻處休嗟車馬稀內家園裏猶
芳草東風回首幾人存粉悴香焦不忍論錦瑟

金錢誰赴約鳳笙龍管謾招魂月斜徐步花枝
下欲折生紅淚盈把莫惟無人看此花當年已
嘆遊人寡風雨陰晴每願遠便須携酒趁春暉
明朝青子花零落鶯老梅酸蛺蝶飛

食燒笋留題陳惟寅竹間

春雷一聲萬簪玉參差亂迸莓苔綠斬來掃葉
當逕燒何異燃萁煮秋菽登盤查牙玉版肥焦
尾碎剥蒼龍皮山人大嚼無以報寫作林間燒

笋詩

歷代詩選 明初五朝
畫爲包師聖題

疎簾半捲絲絲雨
菱葉荷花暗江渚
水近松深徹夜涼
不用開襟搖白羽
隔岸人家住綠陰
偶來聽我坐彈琴
聊將白雪倚蘭意
銷盡紅塵汗馬心

趙元畫懸崖圖

懸崖無根谷無底
樓閣參差半空起
不信神工斧鑿成人間
至險無如此我對畫圖
猶拊膺何況崎嶇險處
登榿樹籬邊堤似掌
藕花池上月

如燈

巧石雙松圖

松蟠恠誕龍形矯
石嵌玲瓏雪膚巧
何事淋漓水墨圖
高堂六月秋風早
秋風吹雲山脚動
瀑布飛來濕瑤草
翠餘危撐日月低
霜根倒挿雷霆繞
山中黃葉已蓋地
獨有煙蘿青裊裊
夕露猶含碧海秋
春霞已破丹山曉
平生愛松并愛石
何異江鳧得蒲藻
醉裏徂徠若可登
人間草木慙枯槁
豫章將軍顏色好
十年走馬淮陰道

歷代詩選 卷十四
索我題詩寫壯懷詩成已覺松杉老

省掖觀梅和宋草堂韻

玉肌瘦却春風惱唇紅不褪香雲老綺窓人靜
月初圓笑覺飛瓏顏色槁羅幄銅瓶小几邊銀
燈疎影硯臺前一株初破休輕折半朶猶含最
可憐宮妝近眼人爭愛却恐愁多零落快莫教
纖手嗅東風誰畫生香與真態

壬子清明看花有感

熙寧五年壬子清明看山蘓公看花于

錢塘吉祥寺金盤綵籃獻花者五十三
人有詩曰吉祥寺裏錦千堆前年賞花
真盛哉道人勸我清明來腰鼓百面如
春雷打徹涼州花始開是其事也洪武
五年基與員外方君看花於西江省掖
節值清明歲亦壬子去蘇公三百年矣
嘆公之不可見而猶以誦公之詩也因
賦長句以記歲月

吉祥寺裏千堆錦綠髮仙人對花飲腰鼓金盤

歷代詩選 明穆正集 卷十五
五色籃醉歸猶帶花枝寢東風壬子幾清明三
酉年來寺已傾沙河塘上痴兒女猶誦錢塘太
守名看花我亦逢壬子况是清明非偶耳莫論
南浦與西湖楚水吳山正相似青蓮居士識前
因金粟如來覺後身總不能知塵外劫也須會
是會中人

關隣船吹笛

江空月寒江露白何人船頭夜吹笛參差楚調
轉吳音定是江南遠行客江南萬里不歸家笛

裏分明說鬢華已分折殘堤上柳莫教吹落隴
頭花

湘中見春鴈

靡蕪葉長春簇簇雙鴈忘機相對浴東風何事
不飛歸應念江南春草綠燕山密雪正茫茫况
有桃花水滿鄉畢竟不如歸去好楚雲湘水是
他鄉

登岳陽樓望君山

洞庭無煙晚風定春水平鋪如練淨君山一點

歷代詩選 目錄 卷五 十一
望中青湘女梳頭對明鏡鏡裏芙蓉夜不收水
光山色兩悠悠直教流下春江去消得巴陵萬
古愁

春江萬里圖

我家岷山更西住正見岷江發源處三巴春霽
雪初消百折千回向東去江水東流萬里長人
今漂泊尚他鄉煙波草色時牽恨風雨猿聲欲
斷腸

留題湘江寺

瀟湘縣前山繞城綠陰滿地聞流鶯入門下馬
松逕濕櫻欄花開春雨晴山僧知我携客至身
披袈裟下榻迎汲泉敲火煮新茗茶香鼎潔泉
耳清龕燈照佛佛像古舍利五色真身明黃金
布地孔翠帳旛蓋聯絡皆珠瓊飛來巨石卧青
兕以瓜扣擊成金聲十年足跡走萬里福地往
徃迷榛荆茲山信是無量壽百千萬劫完不傾
乃知願力自廣大天神守護邪魔驚我來作禮
繞三匝寶花如雪天樂鳴便從真如入妙覺豈

歷代詩選 目錄 卷一
有世網能相纓同行僚友二三輩勸我寫石留
芳名他年老眼得再覩風雨剝落莓苔生

皂角灘

煙蘿鑑珍樹蒙鬆夏綠更換春花紅千山萬山
無所聽鷓鴣杜鵑啼春風寄崖爛熯高百尺快
劍無痕鏡翠碧寶氣朝疑五色霞丹光夜燭三
分日我從章江出彭蠡巴陵長沙洞庭尾看遍
衡廬兩岸山行盡瀟湘一江水輕舸短楫辭零
陵似與亂石爭功能牛刀慣鑿中肯綮郢斧神
捷回鋒稜男兒性命固可惜底事矜誇向羣石
鷗邊短草一枝筇牛背斜陽數聲笛

鄭州道中

北風如刀吹面裂敕裘無功塵絮折星稀日出
勢尚嚴滿袖霜花厚如雪馬上沈吟苦憶家江
南十月騰春華金錢晚菊低叢葉綠萼盤梅小
樹花

寄題水西草堂

鴛鴦湖東武塘西桃花滿川蒲葉齊春風二月

微雨霽鶯鴨拍水黃鶯啼推窓只見參差柳柳
色波先淡於酒烏紗官帽半籠頭紫竹漁竿長
在手平生愛讀內景書徃徃適意追禽魚開門
懶迎俗士駕拄杖每叩高僧廬客來舉酒邀明
月細淪松濤煮春雪但覺身無俯仰勞安知世
有東西別今年扈從奔大梁錦袍白馬青絲韉
信陵宅畔暮鴉集朱亥門前秋草黃輪番夜直
中書省霜華滿巾鬚髮冷粉署香銷紫綺袍碧
梧影落黃金井魂夢時時到草堂曲欄花藥漫
分行他年得遂歸田計多種墻陰十畝桑

留別楊公輔

紫簾凝煙碧香繞銀燈結花金粟小主人捧酒
起勸賓離別長多會長少明朝騎驢鄭圃東白
沙黃葉蒲林風知君此際能相憶笑指燈花映
酒紅

玉仙謠和阮孝思作

赤岸無波海塵起蟠桃枝上花成子玉仙邂逅
赴瑤池雲角凌空月如水子子干旌引素霓神

歷代詩選 卷十四
麤步蹙青驟嘶環珮流響入碧落霧鬢約掠風
鬟低鸞尾金寒歛扇影銖衣濕露香痕冷銀漢
斜圓星彩沈漸漸扶桑耀初景齊州九點春微
茫六龍登駕催晨光踏歌不到碧雲夢蝴蝶牽
愁愁正長綵霞一滅瑤臺路想像徒憐薜英慕
青鳥千霜去不還猶許留情向毫素

結客少年場行

情如飛絮任悠揚心與遊絲共短長花底若教
連日醉座中猶可少年狂新調錦瑟爭傳譜巧

製羅裳別貯香衣以鳳翎分縫織帶將蛇角徧
鞞裝豪名獨擅秋千社俠氣平欺蹴鞠場白璧
一雙鬪劍客明珠百斛買胡娼金丸挾彈章臺
左寶騎聞箏太液傍梅子短牆羞擲果桃花深
塢笑分漿每嘲春比人先老不信愁如海叵量
猶有舊時桃李夢尚隨蝴蝶到遼陽

畫鴈

春渚別未久秋風來有期年年燕歸日是汝度
關時玉關萬里音書絕八月胡風三尺雪何似

歷代詩選 明抄五卷
飛來漢水頭湘浦蘆花洞庭月花滿寒汀月滿
塘鴛鴦鴻鴈兩相忘啼晴杜若藜邊雨卧吟兼
葭葉上霜

庚戌元日立春試筆

柳暖已破眼花寒尚含腮鵬隨除夜盡春逐歲
朝來鳳凰臺下春歸蚤龍池柳色瀛洲草一夜
東風雪盡消十年南國人空老富貴非吾願文
章非我能且沽白下橋邊酒來看金陵市上燈

又

南山雪已消北山雪盈尺信知南枝花早得春
風力帝城回首春光近柳上梅邊見春信白玉
椒盤內史傳紅羅彩帖詞臣進貧賤何足卹功
名非可誇且沽白下橋邊酒來看金陵市上花
舟抵南康望廬山

春山如春草春來無不好嵬峩况是香爐峯九
疊屏風圍五老嚶嚶歷歷谷鳥哀朱朱粉粉山
花開芙蓉削出紫霧上瀑布倒瀉青天來船頭
春山重回首世上虛名一盃酒李白雄風妙絕

歷代詩選 明楊孟載
詩同與徐疑傳不朽明日移舟過洞庭蘭花斑
竹遶沙汀摩挲老子雙愁眼細看君山一點青

雪中柳

春雪晚蕭蕭隨鶯上柳條漸將絲共結終與絮
俱飄淚粉疑啼眼珍珠壓舞腰東風自憐惜留
映赤欄橋

○雪中燕

燕雪兩差池相兼拂繡幃玉樓迷故壘珠箔見
烏衣斜訝衝花落輕疑掠絮飛曉寒人未起還

認畫梁歸

送沙天民之無錫兼簡張彥禎

風雨送君行溪山傷我情故園春種麥高柳暮
啼鶯亂世難知己常譚愧老生茲行見張翰懷
抱得深傾

謹柳

裊裊復揚揚春風折又長絮飛疑燕拂枝重覺
鶯藏晚掛初更月秋零一夜霜江邊千萬樹惟
爾斷人腸

○ 閨七夕

星橋方泣別，銀渚喜重過。鵲整初圓，駕鸞停暫擲。梭歡如前會，少情比去年多。可是勤耕織，恩容兩度河。

○ 溪山小隱

何處溪山隱，衡門對野橋。晚風攜鶴子，春雨種魚苗。小逕斜通竹，疎籬曲護蕉。人生閑自足，不用楚詞招。

愛竹軒

爲愛軒前竹，平安愜此心。雨聲西澗曉，秋影北堂深。瘦倚差差玉，疎搖細細金。肯容扶短策，幽處一披襟。

○ 偶題

身懶交遊絕，時危感慨新。清江催短髻，芳草怨歸人。花落縱橫雨，鶯啼淡蕩春。欲搖舟楫去，波浪沒平津。

○ 寄葉德彰戴叔能

江樹遠層層，蒲荷葉漸增。酒樽池閣雨，棋局夜

船燈竹淨刪逾瘦花繁掃未能亭亭川上鵝風
雨看飛騰

壺中插緋碧花索高二較書同詠

麗質闔春華織穠間亦嘉綠煙縈綺雪紅雨亂
青霞醒醉休相妬仙凡自一家春風忽披拂點
綴舞裯斜

初夏試筆

池館已南風鶯殘藥自紅坐憐修竹裏行愛綠
陰中衣濕蕉無力羅輕扇有功欲搖孤幟去江

澗雨濛濛

方氏園居

由來種瓜地隨處卽青門背俗羞營息甘貧耻
受恩掛策秋樹濕濯足晚溪渾欲訪齡年友漂
零只獨存

又

園廬依綠水無吏索租錢歲計千株橘秋衣半
畝蓮飲先諸客醉詩許衆人傳爲愛溪光好經
旬獨棹船

○又

圃汀蕪複渚迢遞入漁邦有港皆通檝無山不到窗疎煙春隴犢深雪夜籬甍過客停舟問而翁恐姓龐

宿高季迪京館

歲晚此相逢鄉情似酒濃語長銷夜燭夢短及晨鐘急雪風鳴葦微雲月照松鷄前趨闕去寒樹曉龍忝

○春盡始聞鶯聲

衆綠藹園池鶯聲遠更宜愛於二月暮聽似百花時上苑啼應早南風見自遲綠窗殘夢斷相憶海棠枝

和牛侍御懷弟之作

春草綠芊芊看雲憶惠連午陰花萼上秋色鴈行邊此日臨池坐當時聽雨眠應將舒卷意戲彩北堂前

懷吳中赤山舊業

東林攜策處南北釋畊時一逕都緣石諸泉盡

歷代詩選 明抄五車 卷十 十一
到池靜憐松韻續涼愛竹陰移盛世容歸隱毋
令解組遲

○江村雜興

春墅一鳩啼橋危懶過溪徑苔都上壁野菜不
分畦倚杖妨花密看山碍竹低欲知幽隱處風
雨白門西

又

判醉望愁醒愁因醉轉增已歸仍似客投老漸
如僧詩興風樓笛棋聲雪舫燈莫言渾不解此

事野夫能

又

江影樵春樹潮痕惜晚沙綠蕪三尺雨朱槿一
籬花去國仍思國還家復夢家自無干祿意何
必遠京華

又

江月盈盈白墟煙細細陰茅茨孤碓急機杼一
燈深短笛多悲調長歌少醉吟自憐知己盡空
負壁間琴

又

咫尺南朝寺，松杉覆短垣。野猿偷佛供，山鳥學人言。石氣晴猶濕，泉聲靜却喧。塵心久空寂，隨意給孤園。

句曲秋日郊居雜興

茅屋人歸後，荒村更異鄉。樹寒烏遶月，江冷雁啼霜。影賴燈相續，愁緣酒暫忘。明朝覽青鏡，白髮幾多長。

沙河舟中

旅懷歸正急，春信到非遙。草色風初汎，蘭心雪未消。鷺明欺白髮，鷗快避輕橈。得遂歸田計，殊恩感聖朝。

立夏前一日有賦

漸老綠陰天，無家怯杜鵑。東風有今夜，芳草又明年。蠶熟新絲後，茶香社酒前。都將南浦恨，聊寄北窗眠。

○晚過秋浦

淡日雨晴天，江村正可憐。碧雲初見鴈，紅樹尚

聞蟬一望皆秋色千山各暮煙自慚簪組累羞
近釣魚船

○夜泊琵琶亭聞笛

夜泊古亭邊春愁滿畫船青衫司馬淚紅袖琵琶
絃故國人何在澄江月又圓誰將折楊柳三
弄落花前

舟中聞杜鵑

落月祁陽路聲聲叫子規萬山春盡夜孤枕夢
回時客自傷漂泊人誰念別離無多眼中淚聽

汝不勝悲

○宿巴陵

楚有巴陵好君山對縣門暮煙湘樹遠春雨蜀
江渾日落船依岸人歸犬吠村憑虛望雲夢胸
次詎能吞

零陵

地僻三苗近江回二水兼青林皆種蠟赤穀半
收鹽好武人輕閩多祠俗尚占晚來山霧濕衣
薄更須添

○文

古瓦籠山葛、荒碑仆石楸、江晴初漲雨、城午未銷嵐、甕富鮪羞鹿、盃渾酒餉蚶、邦人盡麻枲、終老不知蚕。

早秋送趙景普東歸

歌斷復依依、情多恐遽違、未緣春色晚、自感故交稀、舟傍荷花宿、人先燕子歸、乍涼才却扇、多病欲添衣、驛樹風蟬咽、江祠雨鶴飛、幾時搥艇子、來扣竹間扉。

元夕次韻鐵崖先生

千輪萬騎影參差、盡道風光勝舊時、珠果亂拋金並蒂、銀花交射玉連枝、星綠燈映看偏密、月爲人留下轉遲、白髮老仙逢盛事、絲毫先詠太平詩。

○和謝雪坡錢塘見寄

經旬不見謝宣城、小楷烏絲寄遠情、黃篋樓高春夢破、綠羅衣薄暮寒生、鶴臨沙渚鷗俱浴、花落江泥燕與爭、欲趁雨簑搖短楫、西湖新水蕩

歷代詩選
明
空明

○楊村寒食

預折楊枝插繞簷，豈糜香軟麥餈甜。春衣未染新絲織，午篆猶分舊火添。小雨送花青見萼，輕雷催笋碧抽尖。不因人遠傷離別，那得春愁上短髯。

○乘槎爲日者張德元賦

百尺枯槎孕氣靈，濤花空影入滄溟。星河弄月珠胎白，銀漢流雲鵲羽青。坐拂珊瑚龍婉婉，卧

看蓬島翠冥冥。不須更問君平卜，認得黃姑駕彩輶。

○晚春

辛夷如雪照庭柯，老去愁驚日易過。芳草漸於歌館密，落花偏向舞筵多。故人別後皆黃土，南浦春來又綠波。便欲移家勾曲住，劔芝栽玉此山阿。

○春草

嫩綠柔香遠更濃，春來無處不茸茸。六朝舊恨

歷代詩選 明桂馥輯
斜陽裏南浦新愁細雨中近水欲迷歌扇綠隔
花偏襯舞裙紅平川十里人歸晚無數牛羊一
笛風

○ 畚李仲弘寫懷次韻

休對清江嘆逝波且拋簪珮着漁簑愁邊卮酒
懽娛少老後文章感慨多燕子綠蕪三月雨杏
花春水一羣鶯聊將白髮歸來意總和東風懊
恨歌

又

春來渡口足風波獨立船頭舞短篔高柳忽驚
啼鳥變故園應是落花多尋人不敢門題鳳愛
客都將字換鶯獨有屋西山數疊也應憐我醉
時歌

○ 自笑用前韻

自笑多愁髮有華懶求真訣飯胡麻庭蕪綠是
今年草籬槿紅非昨日花西月墮江沈半壁北
山當屋露雙鬢此身那得如鷗鷺雨泊風飄片
片斜

○浦口逢春憶禁苑舊遊

春水消盡草生齊，細雨香融紫陌泥。
花裏小樓雙燕入，柳邊深巷一鶯啼。
坐臨南浦彈流水，步逐東風唱大堤。
還憶當年看花伴，錦衣驄馬玉門西。

○晚泊湓浦逢冷節

小雨籠陰護晚霞，柳邊停棹聽啼鴉。
湖光已綠皆春草，風信偏寒是杏花。
到處青鞵隨蛺蝶，誰家紅袖泣琵琶。
匆匆客裏逢佳節，那得行人鬢

少華

舟中聞隣船吳歌有懷幼文來儀

輕帆短檝泝煙波，疊渚圓舟柰遠何。
一路詩從愁裏得，二分春向客中過。
江通漢水晴偏綠，山入湘雲晚更多。
何處思君腸欲斷，楚妃祠下聽吳歌。

○興安道中

青山一半入層雲，碧磧千林轉夕暉。
松碣看來多漢刻，竹祠隨處是湘君。
路經徃洞諸峰直，泉

入灘江兩派分莫據孤鞍聽蜀魄野棠疎雨又
紛紛

○二月晦日未陽江口寄書

自笑無家類轉蓬年光何事更忽忽數聲鶯轉
千岩裏一樹花開萬竹中夜入瀟湘偏恨雨春
來杜若自宜風兒童別久應驚問華髮飄蕭似
老翁

○神陽道中見海棠

桂陽江口望祁陽疊疊煙雲入渺茫高樹綠陰

千嶂濕野棠疎雨一籬香縱無春在堪圓菴
有鶻啼合斷腸惆悵東湖堤畔柳暖風輕絮
悠揚

客中寒食有感

客舍蕭條百尺天衡陽城下柳陰船梨花濕處
初晴雨草色含來乍禁煙馬足踏青悲昔夢羅
衣傳燭待明年三吳八桂東西路萬里空山
杜鵑

桂林卽興

歷代詩選 明樓玉集 卷十四
江爲池塹石爲城、南去蒼梧幾日程、碧殿尚存
虞帝像、青山不廢伏波名、蘭根出土長斜、枳椇
樹成門、却倒生、時有苗人與蠻女、負薪輸布事
科征、

晚發瓜洲

江花江草望中稀、相趁畸人萬里歸、鷗泊晚潮
爭北上、鴈隨春雨向南飛、船頭野老新巾幘、馬
上王孫小帶圍、嗟我遠來頭總白、洛陽塵土滿
征衣、

春日山西寄王允原知司

畫船搖槳蕩晴波、步障圍風踏軟莎、簫鼓隊衝
黃鳥散、綺羅人比白鷗多、不知酒與愁成敵、長
恨花爲病作魔、回首六橋青草徧、水光山色近
如何、

紅綠蕉二女圖

兩樹紅蕉隔禁扉、曉涼攜伴試羅衣、金鈴小犬
迎人吠、應恠秋來出院稀、

又

歷代詩選 明楊孟章
爲折芙蓉向御溝碧羅衣薄又驚秋侍兒剛道
新涼好不解芭蕉與扇愁

故山春日

千花萬萼委塵埃只有茶藤一樹開應是隣家
更零落過墻蝴蝶又飛來

又

梨花兩枝春可憐下馬折花山徑邊山中人家
改新火隔樹吹來榆柳煙

又

青青蘆筍襍蒲芽細細浮萍是柳花昨日臨池
看蝌斗曉來風雨已聞蛙

又

寂寂青山一鳥啼紫藤花落午風微不知刻漏
長多少但覺桐陰半日移

又

輕寒拂拂雨沈沈紅漸蕭疎綠未陰不是窗前
兩啼鳥錯將時序比秋深

雨中對花

歷代詩選 明穆宗 卷五
春風幾日雨淹淹鶯慘花愁總不堪惆悵隋堤
千樹柳至今垂恨望江南

春暮西園雜興

疎疎簾影漾微波庭戶無人鳥自過一樹楊花
三日雨池塘春水綠萍多

落花嘆

半隨流水半莓苔只有沾泥更可哀燕子也能
知愛惜爲人銜入綉簾來

粉團兒花

小小流蘼結素羅團團香粉綴柔柯玉奴不識
傷心恨滿面春風笑靨多

避暑貽美人

酥凝酪粉煉霞觴衣染浮絲碧藕香試下瑤階
看明月玉膚消得幾多涼

赤山漫興

松梢吹粉落衣裳躑躅花開竹筍長可是山中
朝洗藥一渠春水茯苓香

松陵道中

歷代詩選 卷十四
吳姬盪漿出蘋花江上行人未到家日晚城邊
秋似水萋萋煙樹亂鳴鴉

青山白雲圖

手種溪頭十畝陰鳥啼花落暮雲深夜來一尺
蘭苕雨若個扁舟肯見尋

九月八日對菊

去年風雨罷登高今日黃花預見招莫恠籬邊
開未滿正會秋色待明朝

大姑山下梅花

紫萼黃鬚抱玉膚也應人惜半枝枯雪中惟有
山僧折尾在寒泉薦大姑

德安山中

石橋斜日萬山陰雲滿寒溪雪滿林獨有梅花
看不厭江南春色故園心

舟間看廬山

雪中西去雨中還又見秋雲黯淡間不是漂零
應不得一年三度看廬山

歷代詩選

明詩卷之十四

終

石倉十二代詩選

明詩卷之十四 終



張來儀傳

吳興掌故云張羽字來儀本潯陽人元季授以安定書院山長因欲卜居吳興以詩約徐賁云吳興好山水爾我盍遷居繞郭羣峰列迴波一鏡如蠶餘卽宜稼樵罷亦堪漁結屋雲林下幾年共讀書于是定居于戴山之東 洪武初仕至太常寺丞兼翰林院同掌文淵閣事詩文奇古尤善畫卒葬九里岡湖學教授金華童冀銘其墓湖州志因其爲潯陽人遂訛以爲南潯人

歷代詩選 明別來集傳
非也所著有靜居集 國雅士品云張司丞來
儀體裁精密情喻幽深頗似錢郎之什

石倉十二代詩選

明詩卷之十五

靜居集

大明

吳郡張 羽著

後學曹學佺閱

雜詩

生平慕遊俠驅馬適東周周人重千金所遇非
我儔撫劍登太山歷覽魯與鄒小儒事絃歌齷
齷安足由北臨邯鄲道平原曠悠悠嘗聞虞卿
賢斯人不可求悲哉窮途士緩急將焉投

擬古

閑夜會親友置酒臨高堂秦箏間趙舞吹笙復
鼓簧清音隨飄風逸響繞修梁坐客咸同志寧
復筭羽觴人生忽如寄富貴安可常含情待所
歡渺渺天一方譬彼鵙鳴鳥揚聲待朝陽憂思
怨零雨白日何時光且當極歡宴聊以慰中腸

又

少年好繁華所愛惟桃李結交輕薄兒攜手日
遊戲驅車洛陽陌風塵爲之起繁華在三春芳
菲正鮮美秋霜若磬折漂零此二云始豈知松栢

堅冬夏長如是迴轡舍之去深入南山址富貴
多留人且從黃與綺

又

處世如逆旅生年少至百朱顏易枯槁鬢髮終
變白一朝氣息盡奄然返幽宅衣裳弗復御車
馬他人得豈無俎豆陳滿案不能食所以君子
心鼓瑟娛永日佳賓時相過濁酒聊共適况此
忘百憂陶然謝形役區區塵俗中鄙吝深可惜

雜言

此邦非吾士寄跡聊在茲旅食何所營亦復假
耘耔玄冬苦霖潦良苗奄離披至今畎澮間餘
波渺相圍行恐春澤盛耕墾失其時共虞斯人
難豈獨念吾私先師有遺言耕也有時饒且當
竭所務天道非我知

又

余生憚遠涉旅寄百里餘自從去家來歲月忽
已除歲宴人事迫卷秩還故居揚鱸發東臯掛
席指西隅且從營私務暫與友愛疎渺渺遵溪
渚行行入吾廬依依攜童弱藹藹會里閭啓扉
玩東園綠葉榮非蔬採之侑春酒數酌忘饑飢
但苦遭潦荒羨秫無舊儲猶當望來稔尊中長
不虛空名百歲後此事非我須

又

抱拙衡門下久矣忘鳴琴疑塵翳其徽絃絕調
亦沈時還置我膝命酒聊自斟高歌出金石拂
拭趣已深酣來枕之卧寔此千古心吾亦忘吾
形何事待知音

元夕值雨

嚴地弛宵析遊宴樂芳年焉知向此夕寒雨暗
晴川佳盟坐成阻清觴誰共傳華燈淡無光歌
管寂不喧千門火市散九衢人跡捐弗見心所
愛值此獨婁然

春寒

齋居滯積晦餘寒襲春服谷風從東來微雨亂
相觸蘭心茁還卷蟄戶啓仍伏樹冷寂鳴禽庭
荒絕來鬪此時重燃火傾觴泛新醪尋芳期自
愆懷人思方數淑景元易徂掩扉愁獨宿

二三月三日期黃許二山人遊覽不至因寄
曜靈無停機四序互相更唯有暮春節在昔重
其名姬旦城洛邑多士方來弁羽觴隨流波逸
語存遺聲秦王臨河曲高會列簪纓金人貢長
劍夷夏俱來盟備哉伯王業小人非所營獨愛
晉諸賢流風有餘清亭臯列茂樹修竹蔭崢嶸
幽蘭交綠坂清湍左右鳴濟濟少長集鮮鮮春
服明中有王與謝文華冠羣英沿坻玩流轉列

歷代詩選 四
坐無所爭觴來不復停篇翰隨意成一醉達天和曠然遺死生俯仰宇宙間何物累其情

春初遊戴山

雲羅橫四海田野無遺英尚賴二三子共怡山水情煦煦新陽動寥寥天宇清昔人稱四美茲晨遂成弁前登高丘阻遙瞻澄湖明憑林招遠公松檜自成聲俛仰天地間微驅良不輕安能自羈束坐使衆累縈處賤足爲貴抱素詎非榮逍遙解神慮庶以適吾生

雨夜

寢閣去門遠春雨荒園夕誰謂在人境宛似空山客禽歸暗竹喧風斷疎鐘寂戚戚寡歡悵良宵端可惜

春山瑞靄圖

鶯啼山雨歇前川綠正繁人家在深樹鷄犬晝無喧澹澹流水意依依田父言謾鼓木蘭楫往遊桃花源

觀稼

仲秋積風雨長空夜來晴幽居悶無悰散步南
田行歷覽周四隅禾稼如雲平嘉穗覆高壠秀
色接遙城斜陽照阡陌田禽時一鳴預知年穀
登行看倉廩盈玩景欣美物爲農喜歲成方同
閭里歡佇詠一開情

晚涼放舟

徂暑驚節謝幽煩倦日永翫舟乘夕涼沿渚入
煙境靄靄殘陽飛沈沈綠陰靜蒼茫水容寂照
見歸禽影開襟招遠風延目認遐嶺偶遊非素
期炎氛聊暫屏守拙寡世用尋幽得澄景清賞
猶未愜孤舟當重整

夏日北窗獨酌

仲夏邁時雨嘉木含餘清北窗偶閑坐壺觴聊
自傾數酌忽已醉酣歌漫成聲緬懷劉阮徒邈
焉起深情百年亦何爲忽如流電驚柰何世間
人役役徇虛名不如任達生相對芳樽盈

立秋言懷

閑居昧時節颯然驚早秋梧葉下中庭火星向

西流寥寥天界濶蕭蕭林逕幽感此蓮中懷歲
月忽已過素髮早垂領前途行未休賴此一觴
酒且復慰淹留

又

開秋多涼氣時物忽已移蟋蟀鳴空庭悲蟬號
故枝綠樹變紅葉悽愴令人悲如何行路子式
微忘歸期辛苦求名譽定與黃鵠隨不學首陽
士守義寧樂饑

初晴登望

茲晨氣候佳淫霖始云歇舉目眺西岑青翠連
城闕卉木藹陽和朝霞互興沒野杏花新試谷
鶯聲乍發岩壑晴色歛雲煙夕霏豁遇物感時
芳馳思生超忽心勝景無厭理存情自達延詠
賦新篇聊當慰寂茂

雨中偶成

空齋自瀟灑况復值秋初焚香對微雨如在古
僧居庭寒夕鳥下煙澹暝松疎知君寫詩處高
情方似予

戴山石上聽松

溷耳俗諠久茲晨一清聽長松遞商飈哀壑互
相應奔騰駭濤瀨窈窕韻笙磬至音不假噐始
覺自然勝緣觸故成聲動極還歸靜此時憇石
坐默然待其定乃知棄瓢者未悟聞中性

雪後

夕霽衆禽勸殘陽照山雪徒令掃幽逕依然人
跡絕綠尊時自命青箱誰共閱默默待歸期故
園寧久別

震澤

具區維南澤洪渚奠吳會弁包潢汗聚涵育魚
龍大崩浪撼坤樞水氣積陰晦蒼茫神靈遇極
目光爛碎中有兩洞庭秀色迥相對峭立根虛
無接影浸淡瀨飛鳥去何窮長垣亘天外風波
多險阻舟檣易傾壞緬思懷襄初洪濤渺無界
賴茲神禹功底定永無害吳越何區區向此角
成敗賢哉鳴夷翁臨風發長慨

碧瀾堂

歷代詩選 卷十五
藹藹層城陰瀾瀾溪流漫問誰所構堂軒窗傍
高岸會云唐刺史文采當時冠華筵勢獨高賓
佐俱才彥吹簫橫落日盡鷁如雲散健兒揚旌
旗水戰逞奇玩臨流賦新詩意氣共稱歎烽火
幾荒殘城郭多遷換歌聲久矣滅郵亭鎖溪畔
臺傾鳥雀下闌壓鳧鷖亂惟餘南山青依然眼
中見

升山

升山橫道傍秀色佳有餘雖微千仞岡層巒自

縈紆右軍晉高士曾此眺郊墟苔逕存遺跡千
載沒荒蕪想當登臨日俯仰凌八區放浪形骸
外遊目多所娛惜無登高作儷彼蘭亭書我思
見其人臨風一躊躇

下蕪城

迢迢下蕪城乃在衡山址卜築自何人云是楚
公子連峰負崇墉重闔抱溪水得非蒸土成詎
乃久不圯衢路化爲田睥睨猶可指牛羊恣來
牧狐兔穴不起想當豪貴時賓客盛莫比高門

遊俠窟諸侯交贊禮劍佩紛相摩雜沓曳珠履
榮華不可常零落今如此豈徒雍門琴獨下田
文淚

郭璞祠

桓桓吳興城孰初相其宜連山如崇墉二水從
中馳乃於蛟龍宅莫此民人基定鼎非有道孰
能固郊圻昔者郭參軍青囊挾幽竒徘徊瞻風
氣卜吉實在茲功德彼生民祭法古不遺遂令
千載下血食無窮期

閑齋獨夜

藹藹山景夕閑齋淡幽素高人寂未寢坐聞清
漏度良宵殊未央華月出深樹虛窗響暗接微
風吹白露感物悟清景臨風暢神慮幽獨堪自
怡何用乘軒顧

奉答吹臺先生送蜀山人見簡之作

若人辭天階消搖寒江汎言送將歸人復念林
中士殷勤吐芳藻綢繆寓深旨文虹被林薄蘭
珠照泥滓子畏伐檀刺予懷白駒美道同無殊

歷代詩選 卷十五
轍神交有妙理索居序已積孤遊情難委寫心
鼎妍唱怛然慙下里

懷方員外以常

丹霞散淪陰皓月出東山驚飈鳴高樹飛鳥繞
林間攬衣起徘徊白露浩已團豈無一尊酒慰
此中夜寒良朋邈已遠獨酌那成歡薰蕕不可
和膠漆不可解自非同心交誰能久不改

張節婦

行者不復歸處者長相思昔與君別者乃爲大
暮期杲杲白日光共雨在何時惟有明明月可
以比容輝兔絲附女蘿窈窕不相離青青忽已
槁纖纖難自持他山豈無木林木豈無枝念彼
綢繆好其隨秋草萎感茲以終老鬢髮皓如絲
耿耿栢舟誓千載同所歸

成詠

少年未識事冠帶逐時流一悟名爲妄悠然返
林丘假此精舍居蕭條岩徑幽竹樹共清密川
澗屢環周高峰延新旭萃棟鳴晨鳩晞髮東軒

歷代詩選 卷十五
下羣書散不收况有同心交觴咏接綢繆始來
適朱夏今已踰素秋諺處山水宅栖泊愧淹留

過雲巖

逶迤度前峰到寺行屢歇齋庖竹外煙汲路松
間雪觀水悟真源聞香解禪悅欲共老僧談
對還無說

懷景佺師

旅宿厭煩喧愛此僧居靜蓮宇已摧頽茅齋自
清迥山光林際來野色雨中淨池水不生瀾袈

裘坐相映累日滯幽尋綠苔應滿逕

送許尊師還人滌洞

青山九鎖處白髮龕居清齋誦黃老不閱世
間書餐霞食真氣對月禮空虛暫來流水地應
與孤雲疎遙知還山日仙壇春草餘

扇上黑萱

團扇復團扇團團三秋月上有宜男草可翫不
可折宜男何足貴能令憂作悅憂思既可忘爲
君忘炎熱無障西風塵汗此皎如雪

題采苓子卷

春山靄衆綠靈苗何處尋孤芳不自掩迢遞入
幽襟
寒條繁露散濯根寒澗深持此當朝茹清
齋延道心

寄金許二高隱

輕雛始颺幕新篁稍翳隣非關杜來迹苔徑自
無塵
獨以靜爲賞彌懷心所親倘畢東臯務一
來存故人

獨夜聞雪

未知雪意就向夕足寒雲芽齋夜自掩孤枕夢
回聞暗飛方瑟瑟誰起看紛紛却憶梁園客既
醉復能文

擬過園隱阻雨

在遠每傷離既近還成隔飛雨渺何窮佳期悵
難得人寒市并空天晚江潮白知君掩閣卧終
朝
遲來客

石門道中

依微鳥外村逶迤煙中驛帆重因沾雨柁轉時

歷代詩選 卷十五
驚石遙岑樹共青淺浪鷗同白離索詎須歎來
往誰非客

續懷友

幽居古垣下共彼嘉樹陰里隣豈無好念子是
同心芳英帶露折清尊向月斟欲往尋遺躅荒
園春草深

送方員外力疾歸吳興

終年不出戶出戶卽相違疾病欣在告田園應
暫歸天寒孤舟發歲暮行人稀棹師遵舊路田

翁識故衣望閭桑梓在入里人民非傷哉展丘
墓遽爾辭荆扉居鄉如遇客回首情依依晴春
入舊鴈積雪含清暉佳期遲子還勿愛故山薇
送莫翁入郭知還谿居

舉世皆如醉何人獨愛才余雖識君者相對亦
徒哉落日收書卷涼風送酒杯紛紛排俗悶空
谷遲重來

又

蟬鳴山郭晏一棹出煙扉涼風將皓月迢遞送

歷代詩選 明孫承澤
君歸自識門前樹遙聞窓下機應歎緇塵滿臨
流一澣衣

讀書圖

幽棲出塵表脩翠連松竹袖得碧苔篇閑來石
上讀日暝欲忘還山空人轉獨

晚過費山人園居

畏景惜高駕端居抱煩憂今晨微雨霽爲此隣
曲遊一造幽人居蕭然知蚤秋脩竹滿西墅早
稼盈南疇坐對故人爽復茲庭樹幽開園採夏
果茶瓜當獻酬積暄欣物曠耽賞遲景流共是
棲閑客來去復何求

雲山圖

山氣寂已晦川寒斂如夕沈沈綠樹多隱隱千
峰出碧嶺萬壑萃寒泉散石脉高閣出林端古
逕稀人迹玩圖心已澄對景情踰適感彼岩棲
人終朝自幽寂

茗陽草堂

閒居守耕作結宇臨溪曲林扉晝常扃端居延

歷代詩選 明張耒集 卷十五
昏旭高荷映窗晚清渠含苔綠逍遙遠塵事澄
心對簡牘筆硯發幽芬琴酌招近局長吟匪求
偶冥觀真寡慾羨君棲閑意於焉保貞獨

過黃徵君新居

莊生寄漆園子綦塹南郭逃虛本無迹委蛇聊
自託子欲隱東山常恐負所約幽棲若有期茲
焉遂先豁塵心頓舒捨人事俱濩落開窗泊迥
渚啓扉見層壑田逕莽縈迂溪流無淹薄編槿
代列牖掛席當懸箔釣水臨苔檻玩山依菌閣
安居志已順相親情自度高懷旣超曠外慮徒
叅鎔願焉長如此守道且爲樂

題晚翠軒

百卉與時悴遺榮獨含芳葱蘢耀朝日奕葉凌
嚴霜啓牖延清影俯檻挹寒光夕隕謝浮艷後
凋保貞常幽人抱高節晚歲此徜徉

送弟瑜赴京師

何由行邁遠服役向京師飲餞列長筵簫管清
且悲豈徒兄弟情亦有同門思婉戀辭師傳惆

歷代詩選 明弘治集 卷十五
悵別親知朝發戴山渚夕次吳江滑飄颻冒風
塵嚴霜薄征衣索居心易感懷土念多違願言
保令體慰此連理枝王事有更代歲晏當來歸
題胡玄素畫

我有一區宅寄在匡廬山香爐起戶外瀑布落
簷間梅老花空發庭芳人未還惟見藤蘿月夜
夜照松關

歸過白馬湖

沿流信歸棹漸與青山遠遙見鷓鴣飛蘼蕪春

尚淺空嗟心愛離莫緩愁腸轉不對芳樽酒紛
思終難遣

獨不見

南國有佳人容顏美無度臨風弄寶瑟其音怨
而慕未奉鱗鸞迎詎肯涉行露小院落花深草
生春日暮掩關獨不見淚下濕紈素

長干行

長干人家向江住朱雀橋邊舊衢路參差碧尾
颺青旗繫纜門前有楊樹竹弓射鴨向汀洲家

歷代詩選 曰 孫 身 傳 二
家無井飲江流女兒數錢當酒肆商人買笑開
娼樓謝家子弟如蘭玉不見當時舊遊躅夜深
月滿大堤寒愁聽陳王後庭曲送君策馬此中
行江邊遙接石頭城愁來滿引金陵酒莫聽秋
風淮水聲

溫泉宮行

煌煌帝業三百年驪山宮殿空雲煙美人艷骨
爲黃土山前不改舊溫泉溫泉雖在君王去芳
草萋萋滿宮路泉聲如泣日將暮山鷄亂鳴上
林樹憶昔玉環賜浴時紅樓綺閣香風吹頭上
寶釵涼欲墮蓮步輕扶雙侍兒有客今季曾過
此宮壞墻傾山色死虎旅知更不復聞池上玉
龍猶噴水當時此水在天上一沐恩波榮莫比
六宮粉黛不敢唾今日行人競來洗

余將軍篆書榻本歌

余將軍守舒州舒州之城大如礪長江西來繞
城流賊船如雲歷城破將軍提劍城頭坐劍未
動虜已奔鯨鯢蔽江江爲渾孤軍六季二百戰

歷代詩選 四 魏 卷 七
王師不來城自存無兵猶足戰無食安可支豈
無愛妾與愛馬殺之不解壯士飢力盡矢竭將
奚爲倉皇齧舌罵不已義士千人同日死祗今
還有盡忠池碧血清冷化爲水將軍持節東州
時作此篆書形嘯竒妙墨已隨神物化好事當
時臨得之雖非其真意獨在垂金屈玉蟠蛟螭
我拜重是忠臣跡秦相雖古其人非

趙魏公竹枝歌

趙魏公宋王孫風流白晳更能文丹青自比董

北苑書法兼工王右軍至元詔書徵草澤召見
廷中推第一三府趨朝賀得人萬乘臨軒賜顏
色殿前落筆侍臣驚鷄林象郡皆知名夫人通
籍宮中宴兒子承恩內裏行一家三人書總好
天子頻稱古來少疏廣歸來有賜金張芝閑處
多章草全盛須臾那可倫百年喬木易成塵淒
涼故宅屬官府零落諸孫隨市人空留遺跡傳
身後一紙千金爭買售屏風畫絕爲誰收團扇
書工亦何有唐生購得墨竹枝一尺中含千尺

歷代詩選 明 孫 甫 傳 卷 之 三 九
安若非松雪齋前見應是鷗波亭下披曲池漸
平臺已壞露葉煙叢竟何在唯有雙溪水北流
至今尚遶空牆外

望太湖

登高丘望遠澤蓬萊三山不可測何如具區億
萬頃洞庭連娟向空碧東風吹盡吳天雲玉盤
雙螺翠堪摘我昔東遊鳳凰臺嗟峨巨編如山
來白波不動鏡光曉雲颿千幅爭先開中流縮
首心茫然恍如乘雲行九天驚濤忽逐迴風旋

砰雷轉轂奔雪山龍伯鬼國見眼前失勢一落
擘蛟涎舟師拍浪兕浪婆我亦再拜不敢言平
時之險且如此何況震蕩洪荒先帝堯咨嗟逾
九年黃能無勳沒羽淵有子大聖與天通一朝
出我羣魚中試觀此湖險始知四載功長養草
木華無心謝春風吳越之事良可鄙虎戰龍爭
方未已水犀百萬今安在惟見夫椒白雲裏鷗
夷身退帶蛾眉不直滄波一杯水

莘叔耕畫梅雪軒

歷代詩選 卷十五
好畫誰如莘棗強墮馬折肱猶未忘何年寫此
寒林趣精絕未數左手王屋裏何人坐吹笛似
是南昌郡中客曲終微雪忽飛來開門滿樹梅
花白

送金秀才歸侍

風吹歷陽樹石城悲早秋高堂入遠夢拂袖登
吳舟金陵官酒如乳香酌酌送君朱雀坊前日
同來二三伴此時望君俱斷腸科名古來人共
羨富貴不如歸故鄉年年隨計多辛苦十上風
塵竟何補秋卷留將篋內歸彩衣重看階前舞
當時縣令親勸行今日還家父老迎門外清溪
仍可釣山下石田躬自耕子身長健親長在黃
金如山不可買君不見長安城中罷官客欲作
布衣那可得

高尚書畫

君家此畫何由得峭壁陰森如鐵色高閣平臨
煙露低長松總含雷雨黑寒綃七尺半是雲深
林窈窕路莫分幽尋恐與神明遇靜聽唯應猿

歷代詩選 明刊本
欲聞海嶽有圖絕，低小後來作者何足云。主人
借問誰能爾，惟是房山高使君。

杜宇

國亡知幾代，啼血轉聲頻。爾自無歸處，何須更
勸人。煙深青嶂曉，花落故城春。任是無情者，聞
時亦愴神。

江村夏日

江村夏景深，蒲稗綠沈沈。浣女朝相問，漁舟晚
共尋。晴雲飛石燕，夜雨闌沙禽。一聽滄浪調，懸

知訝此心。

涼夜

金氣已呈秋，新涼入夢幽。閨人砧欲動，侍女扇
初收。玉露清瑤簟，銀河繞畫樓。更憐今夜月，隱
隱樹西頭。

聞蛩聲

微羽感秋鳴，爭光似不平。輕隨殘漏斷，細雜遠
鐘清。寂歷催寒意，殷勤勸織情。遙知孤枕客，白
髮此時生。

歷代詩選 明張來儀 卷十三
夜宿山房

清絕早秋天。禪房碧嶂前。
草蟲依定石。竹露潤
爐煙。月靜蓮花漏。風披貝葉編。
此心無所著。應解悟初禪。

○江晚旅懷

短長亭下景。引睇入吟哦。
疎樹立寒色。短燵行
夕波。山空秋氣老。江遠客愁多。
忽動匡廬興。白雲生薜蘿。

池上

秋水轉庭柯。臨池晚興多。
禽閑棲缺岸。魚戲動
涼波。露浥將衰柳。風歌欲敗荷。
雖無江海思。咫尺得頻過。

送劉仲鼎歸杭州

欲別又牽衣。傷心故舊稀。
自憐爲客久。不忍送
君歸。遠岫明殘雪。空江淡落暉。
東風重回首。一雁背人飛。

客夜懷王英甫

半生江海上。猶未卜菟裘。
今夜雁初過。他鄉人

歷代詩選 卷十五
正愁青燈孤枕夢黃葉一庭秋何日尋歸棹山
陰訪子猷

寄贈一見禪師

名藍不肯住招隱始中年白日無來客青山獨
坐禪磬敲松頂月茶煮澗心泉見說銜花鹿時
來坐下眠

早春遊望

燒燈城郭嫩寒天早覺春光滿眼前山翠全輕
猶帶雪柳絲纒長便宜煙佳人挑菜寧辭遠公

子尋芳各鬪先從此陌頭車馬動誰能閑坐負
芳年

春雪

不肯呈祥向臘前却來迎瑞入新年鬪粧已落
梅花後學舞還居柳絮先久積已迷芳草地易
消還避艷陽天遙知大輅躬行處共賀瑤瑤滿
舜田

過吳卽景

片帆迢遞入吳煙竹淑蘆汀斷復連柳陰濃遮

歷代詩選 卷十五
官道上蟬聲多。傍驛樓前近湖漁。舍皆懸網向
浦人家盡。種蓮行到吳王夜。遊處滿川芳草獨
堪憐。

夏夜宿道場

山僧結夏獨安禪。對客談空石作筵。架上金經
傳白業。庭前翠栢長青年。松廊月冷驚棲鳥。石
室風清滴暗泉。擬就遠公脩淨社。共持巾拂斷
塵緣。

○行樂過西崦

白日都消筆硯間。偶因行樂到松關。秋聲不盡
蕭蕭葉。夕景無多淡淡山。蛩響寒齋僧自定。苔
荒深院客常閒。已知身世俱成幻。莫嘆西風鬢
易斑。

僧居寒夜

山館蕭條寢復興。經聲遙出最高層。客愁無伴
依童子。禪學多難憶古僧。塔下鳴蛩沿定石。竹
間棲鶴避懸燈。遠遊亦有幽居志。擬絕塵緣愧
未能。

歷代詩選 明 孫 才 傳
曉過淮陰

軍城鐵鎖曉開關使節星馳未敢閑淮水東流
應到海瓜洲北去少逢山行人欲斷寒煙外遠
燒時明亂葦間却憶帝城風物盛禮成須及上
春還

送人之官閩中

鄉情寥落宦情牽一片征帆帶雨懸投驛遙瞻
閩嶺樹問程先下浙江船公庭理訟枕榔外客
舍鳴禽荔子邊聞道武夷山水勝經過須爲一

留連

贈彈箏人

先輩會將舊曲傳纖纖銀甲更堪憐清和未數
湘靈瑟哀怨應同蜀國絃鶯弄晚風啼復歇鴈
飛秋水斷還連坐中北客聽來少暗想當時一
惘然

揚州道中

馬頭津口足風波歲晏遙乘一傳過南渡客來
多漢語下江船去半吳歌蕪城總入新編戶瓜

步斜連古漕河何處吹簫明月夜野田茅屋曉
煙多

○ 閩中春暮

吳山歸夢驛程賒身逐孤帆客海涯九十日春
多是雨二千里路未歸家桄榔土潤蠻煙合楊
柳江深瘴霧遮倚徧欄杆愁似海杜鵑啼過木
蘭花

○ 送越上人住蔣山

落落晨星耆舊稀翻然一出振禪機石頭路滑
有時到山頂雲深無夢歸帆葉飽風衝白浪雪
花和露濕緇衣八功德水談空處應有江禽入
座飛

答山西楊憲副故舊見寄

晉鄙遙山接太霞十年從任髮空華秋來有鴈
偏催客臍盡無梅更憶家私屬羊毛皆入稅邊
風馬乳代烹茶翻思共隱江南日每爲論詩到
夕鴉

山中景

獨坐澗邊石林空秋意長夜深山月白松露滴
衣涼

晚眺有懷

相思天外人極目倚山閣一鴈不飛來寒汀暮
潮落

盡

白雲飛不定青山斷復通澗道聞機杼時鳴春
樹中

又

一雨漲新綠雲開四山繞人掩葦門深斜陽照
江鳥

仲穆着色蘭二首

芳草碧萋萋思君澧水西盈盈葉上露似欲向
人啼

又

鸞輿去不返風雨湘江曲芳草獨無情還如裙
帶綠

保公巖

青苔滿石龕隱隱
跣跡想見夜禪深
巖前雨花積

蘓小墳

冷落百花朝無人
上畫橋東風吹綠草
依舊似裙腰

畫

嵐深山影寒
樵響不知處
綠樹早鶯啼
千峰一家住

又

孤邨翳餘景
涼颿洒空谷
斜日淡煙蕪
坐看千里綠

月牖

園井汲寒淥
當窓煮金屑
應有山僧來
問君泛春雪

春夜

夜靜風簾掩
復開南園煙
月正徘徊此時
客夢渾難就
無奈花香枕上來

惜春

歷代詩選 卷十五 五
重重綠樹掩園扉無柰庭前花亂飛
試向鏡中看白髮能消幾度送春歸

雨霽

雨霽垂楊帶煖煙千村草色淡相連
殷勤好問桑間女今日春蠶第幾眠

白鳥

門前春水下輕鷗來往偏能近
釣舟却似南唐圖畫裡杏花蒲葉滿汀洲

送春

今朝箇曆知時換落絮飛花各鬪輕
謾把一杯留別意夕陽時節更傷情

夏日聞鶯

上林花裏亂鶯啼日暖風柔百轉齊
何似綠陰清晝永一聲遙出畫欄西

題陶淵明像

五兒長大翟卿賢彭澤歸來只醉眠
籬下黃花門外柳秋光不似義熙前

舟中似文性之山長

朔風吹浪打蓬窓夜靜寒威不可降自嘆閑人
閑未得扁舟載雪過吳江

畫

百道清泉石上流白雲初起亂峰秋此中疑有
陶弘景飽聽松風卧草樓

寄靈隱良泐二長老

兩禪相對一燈懸鷲嶺龍宮地悄然七百年來
無好句泉聲空繞寺門前

取勝亭感舊

綠雨微消紫陌塵湖光冷落似無春朱門記得
曾遊處楊柳青青不見人

寄友

客路尋常怨別離况逢秋色倍堪悲一封書到
千山暮正是思君獨坐時

曉發嘉興似友

城烏啼散驛樓空一舸夷猶曙色中不是故人
今日共定應愁絕雨蕙風

登廬山甫聽雨軒感懷

歷代詩選 明詩卷之十五
華陽洞裏煙霞闕雲石山中草樹荒惟有小樓
曾宿處年年春雨滿滄浪

燕山春暮

金水橋邊蜀鳥啼玉泉山下柳花飛江南江北
三千里愁絕春歸客未歸

離離煙樹

玉色宮瓶出內家天香濃浸月中葩六官總愛
新涼好不道金風捲翠華

石倉十二代詩選

明詩卷之十五

終

徐幼文傳

徐賁字幼文本蜀人後居毗陵元季徙居蘇之
望齊門賁爲詩與高啓諸人齊名尤善寫山水
秀潤可愛張士誠居吳辟爲屬俄謝去居湖州
之蜀山 洪武中以薦至京奉使晉冀及還閱
其橐惟記行詩而已授給事中改監察御史巡
按廣東又改刑部主事陞廣西叅政以政績卓
異推河南左布政使命大將靖洮岷道出河南
以賁犒勞不時下獄死所著有北郭集 國雅

士品云徐方伯幼文詞彩適麗風韻凄朗殆如
楚客叢蘭湘君芳杜每多惆悵

藏書
高青
家

石倉十二代詩選

北郭集

古別離

清晨戒嚴裝送別河之干北風塞上起黃沙浩
漫漫水雪日以繁徒旅日以寒不悲道路遠所
愁衣裳單從行義不可徒使摧心肝流光信奔
馳君歸有時待但惜少年去坐令顏色改

邯鄲才人嫁為廝養卒婦

大明
三山曹學佺閱
吳郡徐 賁著

妾本邯鄲富家女學得詩書絕歌舞小時恩例
選入宮天顏一顧生春風崇臺往來十五載玉
容無復桃花紅君王寵新盛開宴還同賤妾初
時見君邊銀燭照華筵妾處秋螢閉深院當時
自喜才名人如今始信詩書貧辭君去嫁廝養
卒不怨君王怨妾身

車遙遙送張都事

車遙遙馬駸駸車馬聯翩來君行獨驅馳北風
吹城暗摧土黃榆霜多寒入鼓車徒過關鷄未

啼木葉千山夜如雨丈夫立志期有成何辭辛
苦關山行

折楊柳

人言折柳愁我言折柳好倘向柳邊行識君去
時道

別離曲

山風吹霜榆葉老城鴉傳聲天欲曉征徒出門
駕行裝斗杓倒懸月無光我停露車客停馬荒
煙蕭蕭暗平野一盃濁酒且須傾九月垂楊不

歷代詩選 明倫彙編
堪把歌聲感激絃聲繁坐上醉人爭笑喧相逢
相別皆草草心事如絲向誰道

五索效韓偓

爲性好梳裹料髮更均腮手把百神鏡千圓自
照來可憐手無力從郎索鏡臺

又

昨日下河橋多被行人見花稀無處藏見我新
粧面一向不禁羞從郎索羅扇

又

幾回畏春寒不向庭中走杏花都落盡雨長春
苔厚我欲掃落花從郎索鸞帚

又

琵琶性裏好曲調手中便一朝絃斷盡欲接卻
無緣待彈不可得從郎索新絃

又

閑將紅色絲結取承露囊一面芙蓉花一面雙
鴛鴦不藏鍼與線從郎索麝香

擊筑行和高季迪韻同張記室憲賦

歷代詩選 明後
和君擊筑吟請君側耳聽不是更容貌誰能知
姓名主人莫稱善坐客何須驚酒酣欲罷奏壯
心難自平

短歌行贈杜君寅

白日雖苦短萬里落復生人生自有限難極歡
愛情愚者謀在食智者志在名愚智各有求誰
能免經營秋花容易老秋葉難再榮對酒心已
醉酌酒淚先頽我非不能遣奈此愁相縈君亦
失意人請吟短歌行歌短意自長展轉歌不停

賈客行

賈客船中貨如積朝在江南暮江北平生產業
寄風波姓名不入州司籍船頭賽神巫唱歌舉
酒再拜酌江波紙錢百槩不知數黃金但領如
其多須臾神去風亦息全家散福歡無極相期
盡說莫種田種田歲歲多徭役

農父謠送顧明府由吳邑陞常熟

我家茆屋臨官道前種桑麻後梨棗年年力作
不違時人有餘糧牛有草官長下車今五年老

歷代詩選 明徐公文 四
身不到州縣前鄉無吏胥門戶靜家家盡稱官
長賢大男入郭買田具始知官長移官去來時
憶向官道迎今日去時須送行攀轅欲留留不
止我民愴惶彼民喜殷勤再拜官道傍願飲三
江一杯水

柳短短送陳舜道

柳短短春江滿蘭渚雪融香東風釀春暖山長
水更遙浩蕩木蘭橈蘭橈向何處送君行南昌
去離愁落日煙中樹

白蘋花送王汝器

白蘋花綠蘼草南風吹碧波五月湘江道行人
勸酒離緒多棹女棹郎歌棹歌黃鸝啼時風景
好大堤日落柰君何君今去不可留山疊疊水
悠悠

明月篇贈章子向

商飈拂絳河圓月溢金波澄陰斜映桐池近爽
氣遙連桂渚多穿櫳窺帳虛塵淨鑿帷照牖芳
香冷翫賞何人倚畫欄瑤華翠羽流空影含情

抱琴爲調絃絃中新曲重堪憐不見嫦娥空歲
歲漫思湘女自年年天上人間秋浩浩此時此
景誰家好陳王園內咏初成庾令樓中醉欲倒
松醪椒醕滿金盃喜對良朋逐夜來當筵光彩
聊供覽不須催駕上瑤臺

梅花清夢辭與貝廷琚博士同賦

愁雲淡淡搖碧空瑣窗虛掩閑微風芳魂欲迷
疎影亂滿庭細月香溟濛夜景沈沈春漠漠翠
禽啼春春不覺水澁銅龍漏轉遲霜華暗妬青
綾薄惱情橫玉泣小鸞畫屏殘燭圍素寒起來
重覓舊遊處曉煙十二空闌干

讀史

周衰麒麟出漢末黃河清見之非其時徒有嘉
瑞名古道旣緬邈企慕惟空情茫茫千祀上此
義聖所明

又

堂坳不容盃渤澥納百川大小何乃殊其量使
之然鄙人器易盈德士心廣淵美哉黃叔度千

歷代詩選 明徐公 六
古稱其賢

又

魯連天下士氣凌七國雄能令一箭書坐收聊
城功秦軍苟不卻高名亦成空當時受黃金遂
與常人同所以有志士千古欽遺風

芟草

草生何離離沒我園中路每行又復止念我荷
鋤去對此空歎息無由展幽步芟蕪匪力殫沾
裳畏晨露沾裳旣不可此意向誰語棄置獨歸

來且當息吾慮

卧佛宣講師經院贈李道人得處字

來尋講院僧遂到看經處疎雲翳涼霄竹色映
逾暮入深鳥驚喧迴飈落高樹喜逢方外友遂
適林中趣瞻詠更徘徊偶然忘去住

陪潘右丞燕集

輕颺變新燠疎雲釀微晴幸接芳時燕歡承嘉
會情筵花始開杏谷鳥未聞鶯不盡杯中意更
復駐前楹

歷代詩選 明徐文 七
過荷葉浦

粼粼水溶春淡淡煙銷午不見唱歌人空來荷
葉浦無處寄相思停舟采芳杜

題銅塢後山石

山行興未窮復登白雲嶠石上識曾遊墨花破
孤峭隣僧尚未見知有幽人到

衍上人蕭然齋

高林洒繁露閑齋自翛然俄聞一葉墮應我琴
中絃野水寒欲淺遙岑秋更妍清晨理梵罷窗

扉靄餘煙

七夕有雨

錦機織初罷鵲橋駕始成每是經年別寧辭冒
雨行雲帔從教濕月殿不須明但盡相逢意無
語別來情

題齋前蕉石呂志學嘗題此故落句及之

芭蕉倚孤石粲然共幽姿南風一披拂綠葉相
參差新苞曉初解涼陰午正宜無由寫閑思對
此詠君詩

錢彥周軒前梧竹

種分嶧山表本移沅水陰風枝和奏簫霜葉應
鳴琴池承色逾淨窗當蔭更深緗花委夏井文
實助春林何會務直幹秣欲抱虚心君念記清
隱余將期遠尋

劍池

闔閭試劍處靈泉湛澄靜苔花漬餘血石色帶
古礦空山秋氣寒幽林夜光冷月明樹交壁人
靜霜折纒古懷且當置清景庶足領

中秋廣福院對月貽戴尚文主簿

秋色靜香臺水輪雲漢開粲粲瑤華墮皎皎夜
光來桂露穠棲席蓮香滿灑盃自欣陪笑咏更
與駐徘徊

獅子林池上觀魚

微微林景涼悄悄池魚出欲去戲仍戀乍深驚
遂逸行循曲島幽聚傍新荷密不有濠梁典誰
能坐終日

松江道中

歷代詩選 明徐文 九
計程行苦遲望堞到知漸桃寒紅待折蘼暖綠
成染潮中蟹柵鳴煙際漁扉掩在路卽多愁母
勞問夷險

眠雲軒

飄飄度丹檻冉冉棲瑤席拂衣疊輕素映帷變
微碧氤氳晝多陰浩蕩春無跡偃體怕自便寓
情諒還適

曉過震澤

遙天散曉華疎星歛微采鳥聲出林繁木葉過

霜收荒村幾家成平湖衆星匯鳴夷邈無跡空
煩艤舟待

西園看花燕集

暫輟南齋卷因就西園酌日臨花氣暄柳絆晴
絲弱芳樽浥桂芬華筵藹蘭焯煩襟鬱易舒秩
禮歡仍畧以茲協素懷庶可踐嘉約

懷李三莊

籬寒菊未折墻陰草易衰棲禽深避雨遊魚暗
分漪幽居自多感况此阻良期雖非間川岳同

歷代詩選 賦後文
晨悵離思

步至西余山有詠

翫遊寡閑侶獨步思彌清迤邐適茲山于時蒞
新晴雲容啓朝麗林采煥春榮煖崖芳卉集陽
坂纖芽萌鳥逝何杳眇泉注每縱橫意會乃成
坐興盡還復行此身在貧賤庶少俗務縈緬懷
羸臺子仰羨安期生非徒遜猥跡永締煙霞盟

春日遊淨慈寺

看山候初晴連騎西湖道遙遙煙際墟苒苒風

中篠谷鳥聽鶯遲路遠逢花少林蹊幾登頓僧
房更窈窕重來感昔時翻令失幽抱

殘燈

閑房澹餘秋低燈耿寒夕孤明滲漸微斜照愁
愈寂誰念殘光裏相看有羈客

題王彥舉聽雨軒

高竹覆南榮寒蕉滿前渚蕭閒此中意適對清
秋雨疎當簾外飄密向窗前聚聲聞俱兩忘悠
然坐無語

歷代詩選 明倫彙編 家範典 婦人部 卷一百一十五
渡沁水

一水隨山根宛轉流出迥灘聲繞縣門孤城數
家靜風土殊可恠十人五生瘦土屋響牛鐸壁
浦殘日影行遲欲問宿連戶皆莫肯亭長獨見
留半榻亦多幸呼童此晚炊糲飯穀帶頰野藪
不可得敢望肉與餅途行乃至此儉素當自省

女媧廟

霍山古北鎮勢尊出羣麓山深異風景春盡樹
未綠居人苦多寒鑿土爲住屋屋頂土元厚亦

種麻與菽乃知此方民猶有上古俗我欲拜其
廟日斜去程促空煙歛曛色牛羊半歸牧征徒
多噏噉村館早尋宿

題繡生柳莊

碧山綠水轉逶迤君家任處宛相宜春風繞屋
楊柳樹爲君爭發艷陽時艷陽時節風光早萬
葉千絲向人好何如遺恨武昌門難同送別長
安道拂煙照水更多情枝間百轉有啼鶯嬌傾
趙女筵前舞思入燕姬笛裏聲白花撩亂波搖

歷代詩選 目錄 卷之三
蕩密影芳陰自來往坐邀釣侶把長竿行倩菱
童棹孤榜記取前時親手栽絲絲葉葉費春栽
願得傍人莫輕折歲歲年年春自來

晚歸

樵風度溪波蕩影水葉圓圓綠浮荇白沙路遠
雲花靜小艇爭先野鶴歸竹外依微衆山暝

瑤芳樓

高樓春多風日妍瓊窗瑤闌縈素煙水晶簾捲
香散席瑤芳吹入琴中絃美人手度陽春曲水

意山情斷還續三山鸞鶴夜飛來珮環搖曳玲
瓏玉琴聲宛轉響春空滿樓白月梨花風

翠竹黃花二仕女圖

蘿屋綿煙歛微夕錦瑟罷彈機罷織寒濃翠薄
妬蟬衫竹色搖風競疎碧鳳聲天遠誰能聞綠
蛾黛影愁不分楚山九點昨宵夢淚花染盡瀟

湘雲

十二月廿一日尋梅到西塢留題山家

昨日看泉到山北石路巉巖苦攀陟尋源未窮

力已疲百步無多幾停息今朝尋梅到西塢野
曠霜晴好風日兩株卻傍山家開柴門蒼苑連
叢棘老樵出迎頗解事掃石坐我吟其側疎花
冷蕊自逞妍不放寒香洗胃臆何郎久沒杜陵
老好句獨有林逋得花雖無情弗與較嗟我懷
抱花寧識明當攜酒此問春東風應念重來客

送王簿王儀中之華亭

山風吹霜溪葉老鼓笳欲斷天未曉行人出門
鷄亂啼北斗倒懸月在西我停露車客駐馬荒

煙瀟瀟暗平野一杯濁酒且須傾九月垂楊不
堪把歌聲感激絃聲繁座上醉人爭笑喧相逢
相別皆草草心事紛紛向誰道

送許監事北遊

楊葉差差花簇簇離筵小宴春江曲金壺酒氣
暖融香鶯簧初起鷓絃續絃聲未停君欲行晴
煙濛濛搖雙旌平原細草塵不動馬蹄聲軟朱
輪輕回颺吹斷東西陌蝶駭蜂愁日會夕歸來
醉卧玉堂春夢裏雲飛苧山碧

歷代詩選
二喬觀書圖

孫郎武畧周郎智相逢便結君臣義丰姿聯璧
照江東都與喬公作佳壻喬公雖在流離中門
闌喜色雙乘龍大喬娉婷小喬婚秋波並蒂開
芙蓉身嫁英雄知大節日把詩書自怡悅不學
分香歌舞兒銅臺夜泣西陵月

謔柳

裊裊復垂垂千絲更萬絲枝殘離別處花落艷
陽時泣雨愁多眼紫煙誤學看龍池看更好洛

水種偏宜

○寄衍書記

聞道歸來日空山獨寄禪施經村口市澣衲石
根泉竹色林扉掩雲深草閣連秋風苦相憶空
托下方緣

同衍師訪席有道分韻得尋字又得無字
邂逅空門友仙家得共尋石苔經屐破水溜落
溪深雲過松分影林寒鶴避陰何須謝人世心
靜只山林

喜王介休過次韻

喜爾頻來往，敲門每夕曛。
迴風偏入幙，高樹徧留雲。
激石灘聲轉，投沙鴈字分。
自慙疎懶性，不是厭塵氛。

泛碧浪湖

邀客泛流槎，開樽對渚沙。
苧袍沾杏雨，蘭棹撥蘋花。
積水添湖滿，遙山抱郭斜。
閑情遂幽賞，聊用答年華。

晚過西崦費氏別業贈明天目長老

煙光暗墟落，澗道入層層。
不訪中林士，那逢西崦僧。
山厨將具黍，隣屋爲分燈。
自覺行來倦，清談遠弗勝。

蜀山書舍圖

山水幽深處，閑居此地曾。
傍花春宴客，看竹午逢僧。
雲樹尋新咏，巖巒憶舊登。
兵塵今間阻，對畫思難勝。

閑居

遠徑蕪山水，閑居得野情。
踰垣驚窳鹿，出樹見

歷代詩選 明徐公女 五
啼鶯藥圃泉邊闢，瓜田雨裏耕。喜無冠冕志，因得少逢迎。

○山中琴興

巖局露初霽，旭日照高林。古澗雲蘿窈，孤亭松桂深。鳴琴始成調，流水復同音。爲問山中客，誰知靜者心。

○馮山人湖上別業

宅近南湖口，青山盡在門。田卑常冒水，隣少不成村。任久諳農事，孰閑悟道言。如君避地者，今有幾家存。

送江教諭

湖海相知少，風塵送客初。歸愁江雨積，別意柳條疎。楓落迎船葉，鱸香出水魚。吳興尚文物，吾道近何如。

○濯清軒

春草綠芳洲，清江遶舍流。芹香低渚燕，波影媚沙鷗。風帶初聞笛，花藏罷釣舟。滄浪千古意，何處問巢由。

秦淮客舍除夕呈大兄

兄弟喜連床燈前話故鄉年隨窗雪盡夜入酒
盃長暫得懽情合都將客况忘何如共歸去爛
醉北城旁

送潘士謙歸廬州省親

微名雖不偶且得奉慈親爲客逢多難還鄉有
幾人鳧鷖江郭雨桑棗楚郊春此去尋閭里俱
非舊識隣

題得飛雲送劉提司勝

天濶浮雲遠因風捲白衣流陰翫水淨寒影度
江微不受歌聲遏先將別思飛飄揚隨去馬今
夕定何依

東城道中與王守敬張思廉同賦

水郭秋風後尋詩客共過晚鴻將集渚風葉盡
隨波野客便詩思潭魚識棹歌前山青數點不
似亂雲多

送易架閣

何處唱離歌前湖一棹過日斜山似近水落渚

歷代詩選 明倫彙編
偏多寒意歸沙柳秋風到浦荷不知今夜夢還
隔幾煙波

題王材東里草堂

移家遂成隱結屋澗東隈野客分茶送隣舟載
鶴來雲埋琴薦冷風捲壁衣開晚餉磯頭飯秋
吟竹下盃余生慕幽賞到此每逢回

送人之吳江

垂虹橋下路此地隔江湖沙樹應多橘寒魚半
是鱸風將菱唱遠舟帶夕陽孤離別琴三疊悲

懽酒一壺不堪憶君處煙雨滿秋蕪

送張明府

每喜論文久那堪又送行壺深淹別酒歌短促
離程水驛孤臨渡寒山半隱城潮生知海近木
落見秋清明且車塵下應看父老迎

寄周記室發道

潮波遙帶夕陽低想得君家住更西隔岸衆山
晴稍出當門幽鳥晚猶啼酒緣客裏偏能飲詩
到愁邊只謾題欲倩歸雲寄離思如何卻向望

歷代詩選 明倫彙編 文獻典 詩學典 卷之九

中迷
○次高二季迪留別韻

柴門村徑帶溪橋來往因君豈憚遙淺水不波
仍漾漾疎林無雨自蕭蕭檣留夕照人將別江
作新寒酒易消明日秋風重悵望還將離思託
歸潮

許將軍墓

鄉人傳有漢將軍南郭橋邊是故墳印出土中
存舊字碑殘火後失全文旗捲虎牙空落木劍

埋龍氣只寒雲當時祕器多榮賜功業于今恨
不聞

過姚大臨寓所

客居龍井古庄前兵後人家幾變遷亂世昔來
求避地故鄉今想賦歸田曾邀霽月看花夜憶
別春風禁酒年此日重過誰伴我寒煙衰草卻
留連

錢氏池園燕集得春字

幸存萬死一吟身燕賞良時豈厭頻開到棟花

歷代詩選 明徐文
風乍暖啼殘桑扈雨辭春清樽偏解欺愁客短
髮空慙對故人經此亂離今得見論情便覺轉
相親

陳允中亂後歸故隴營居見寄奉答

萬事由來信有天癯儒只合任林泉藏書自構
山中屋束帶仍耕墓下田但對老農談亦好何
須漂母識爲賢壯年未斷人間世且盡平生嫁
娶緣

次韻答馮信卿見寄

自愧才疎老澗濱此身非是避風塵長貧爲讀
蔬經熟多病應同藥裹親僧惠竹枝輕作杖客
分荷葉小裁巾故人眼底惟君在深喜書來問
我頻

寄鄜尚德王汝器

塵世閑身遂兩違扁舟應是久城稀看花雨裏
宜高屐獲稻霜餘或短衣玄鳥年年依屋住閒
鷗日日遶門飛尋君不用重相問梅子林西竹
下扉

歷代詩選 目錄 卷之二
十一
○遊張林山

偶爲尋花到竹西，兩山雲氣接高低。
午煙僧舍林塘窄，春野人家草樹齊。
水鶴晴時行麥壠，園蜂暖處識蘭畦。
自憐遠地歸來後，纔是登臨便感悽。

○登崑山次易九成諸友韻

故舊相違西復東，登臨偶得此時同。
鐘聲響落松陰外，帆影來從海氣中。
山鬼洞寒銷劫火，石僧龕古閉香風。
可憐節屆重陽近，斜日秋明萬

葉紅

重遊道場

路入千峰石磴危，經臺香閣但餘基。
僧從離亂居山少，客爲登臨出寺遲。
伏虎已無巖下錫，放魚空有竹邊池。
曾聞至治承平日，簫鼓春風過六時。

贈趙安道

偶爲行春此訪君，山園野墅宿晴雲。
藥田鶴守耕相候，隣屋茶香飲見分。
林下看花多是杏，溪

歷代詩選 明徐文
澗拾草始知芸每聞拚醉消長日誰復來題白
練裙

○園隱圖送方以常

曾聞學圃成高隱今日攜書是宦遊
隔屋尚通分溜甃傍溪空覓看花
舟菘葵盡作隣僧供芋栗還憑野
老收後夜月明江上夢應隨歸鶴
到林丘

○白塔懷古

荒山勢似鳳飛騫誰構浮屠壓寢園
土厚尚封

南渡骨月明空照北歸魂海門有路
雙龍去沙磧無潮萬馬屯莫向秋風
重悵望梵王宮殿易黃昏

答故人楊憲副孟載

憶在桑乾契合情別來頻見歲華更
自知詩裏閑情少頓覺尊前老態生
桑棗誰家非樂土雲沙何處是邊城
懷君幾度頻登覽日午山雲雪正晴

題畫

歷代詩選 明倫彙編 卷之三
與鳥鳴孤影汀蘋淡素香曉來江上樹葉葉是
新霜

又

隔浦秋鴻小當江夕照空扁舟不覺重爲載
花風

記夢

夢裏綠陰幽草畫中春水人家昨夜沙窓細雨
銀燈獨照梨花

墨梅

素質卻嫌脂粉蛾眉淡掃玄霜翰墨玉堂曾侍
硯池猶染餘香

春懷次韻楊署令

柳條處處綠毵毵只在離亭便不堪幾度看花
并送客暖風晴雨到江南

次韻答王七隅

處處斜陽木葉飛秋風偏在路人衣相逢莫問
離家日燕子初來今又歸

蟬

歷代詩選 明徐幼文 十四
愁斷齊奴一寸心誰知青女怨猶深長吟莫戀
宮前柳黃葉秋風白不禁

野亭讀書圖

書聲流水共泠泠落木寒山路隔汀不是秋來
易傷感夕陽風景似新亭

答高季廸酒醒聞雨

高城月黑罷鳴笳寢舍風多燭易斜醉裏歸來
忘夜半雨中驚不似山家

寒食前三日適桐里見梨花

清江行盡有人家汨汨春流漲暖沙已自深忘
寒食節無因此地覓梨花

春暮見山茶有感

宮粉凝脂竹外栽繁華曾見雪中開一枝自有
相憐意留向春深待客來

十一月一日始見菊花

草草重陽去不知今朝始見菊花枝莫言籬落
秋風老但得來看未是遲

次韻張文學見招

歷代詩選 明後幼文 三五
落葉柴扉晝不開小牋相寄手親裁遙知著屐
空山裏蘿逕孤琴候我來

上菁山尋王張二山人不值

此日尋君竟不逢閑行直到最高峰歸時已是
斜陽後惆悵荒山寺裏鐘

過山中廢寺

一榻高懸綠嶂前窗扉掩映碧蘿煙登臨未免
傷懷抱閑與山僧說世緣

曉發秀州

路出雙湖煙樹東舟行長是雨兼風夢回重有
離家恨惆悵春寒此夜中

揚州

竹西亭下路迢迢鶴信人不可招秋草秋煙
滿城郭月明何處夢吹簫

揚州僧舍見花有感


風遞穠香到水涯幾株桃李映門斜侯家園圃
多荒廢不是僧房不見花

宿五溪聞舟中客歌

楓葉林邊有泊舟夜深風雨總成秋年來自是
頻為客一度聽歌一度愁

石倉十二代詩選

明詩卷之



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

繕部集

大明
石倉十二代詩選卷之九
清林鴻著
後學曹學佺閱

擬古二首

迢迢洛陽城雉堞何透迤上有天子宮下列公
侯居外廡鳴騶裊中饋進鮮肥身無澣濯服路
有餘梁脂巍巍金馬門云是上天梯仕宦有捷
徑請托無虛時布衣謁公家言拙氣亦卑丈夫
無所求守道寧食薇



翩翩雙白鶴久在樊籠中刷毛向朝日舉翅傷
秋風雖蒙惠養恩自比雞鶩同嘆息此珍禽默
默傷余衷放之煙霞表飲啄詎見蹤

感秋

撫劔中夜起氣候何淒清天高白露下北斗當
前楹嗷嗷雙飛鴻隨陽亦宵征微禽爾何知寒
暑嬰其情始知玩物化中復念吾生三十志有
立一經尚無成緬懷古哲人信與大運并道在
無終始時來暫衰榮感嘆不能寐延首東

方明

秋氣悲萬物攬衣坐中庭仰視明月光俯聞候
蟲鳴人生會有涯權樂當及時榮期但長嘆墨
子徒自悲驅馬被紈綺雕盤割鮮肥酒酣論意
氣中心貴相知終當委運去得飲無復疑
四時互相竭兩曜無停軸夏炎方滿盈秋氣忽
已肅空聞有佳人十載常獨宿中心豈不貞處
闇誰見燭願爲明月珠流光照君屋

無諸釣龍臺懷古

無諸昔建國赤土疏王封築臺青冥上垂釣滄

歷代詩選 明抄子本 二七
江龍乘龍去不返千載如飛蓬只今荒臺上寂
歷多遺蹤我有太古懷來吟江上峰天青海氣
滅地古寒煙濃潭水綠萬丈秋岑碧千重登臨
未能已落日催孤鐘

塞下曲

交河水是路天山雪作花舉頭猶漢月沒足已
胡沙遠戍連烽火嚴更起清笳將軍帳中臥萬
馬夜不譁國恥猶未雪壯士莫思家

寄衣曲

漢月絳庭樹胡霜拂城樓邊人一夜寒深閨始
知秋起來理征衣織手一何柔雙杵幾不勝寸
心未能休梧葉下浙浙草蛩開幽幽月明嗟慰
意風急復含愁白露下蘭心蘭心亦枯槁妾家
有高臺下有漁陽道明發寄征人三把薜蘿草

春日首陽懷古

東風蕩霏靄旭日生巖巒清飈洒襟佩聊以窮
躋攀遊日俯高墳歛然復悲酸清標香名立幽
壤芳骨寒孤騫仰鸞鳳鳥雀易所飡濁流激清

歷代詩選 明末 卷十七 三十一
波洒然天地間古木翳芳祠野蕨迷空山遲回
竟將夕振策未能還

驅車篇送張志道奉親柩歸清漳

驅車出東門我車已載脂況茲苦寒月歌此陟
岵悲風駕指晨星日入不遑棲道路豈不遙勗
力亦云疲飛鳥爲我吟孤禽爲我啼浮雲結爲
旆迴風亦淒其引領望故山丘壘何纍纍感彼
首丘志懷哉蓼莪詩

海上讀書

浮雲薄海色萬里如秋空青蒼杳無際島嶼蟠
蛟龍上有讀書者結茅誰與同朝飧海上霞夕
友滄江翁乘桴嗟尼父把釣思任公猶慕魯連
子不受却秦功千金若土壤清名弔高風愧予
老儒術白首且相從

金雞巖僧室

遠公青蓮宇百尺構雲闕一徑入松蘿山泉濯
苔髮石房彈玉琴清響在林樾夜來滄海寒夢
遶波上月微吟白雲篇高興了未輟未能悟聲

歷代詩選 明 卷十七 四
聞安得離言說

同周秀才玄與東白明遠二上人期宿芝

山不至

屢居厭紛擾恒思宿陰岑夙期道門友共茲清
夜吟彈冠起新沐微風披素襟行行止空門夕
景條已沉不見雲中僧虛堂閉烟林應物本無
住孰分來去心良會既已睽中情一何深詠歸值
值新月聊復鳴吾琴

泛舟西江

積水可利涉方舟況同乘悠然西江上遂望雲
中僧出浦見落日前巖陰始凝秋風忽颯沓海
雨隨奔騰稍移流沙河又見夕影澄擁棹向危
壁推蓬見古藤枕藉信水宿躋攀候晨興茲遊
意多愜況也多良朋

寄丘令

海國民俗古清朝民物閒况茲得良牧理人絃
誦間吏散日已夕雲歸鳥隨還高齋蔭嘉樹橫
琴對遠山伊余安蹇劣歸休謝朝班出處雖異

歷代詩選 明初子孫 五
途雲林近怡顏茲焉仰高風望望心所攀

曉登金雞山呈王六博士

劔客無所歡登高眺清曙於時值搖落況乃朋
遊阻關河一千里飛雁杳難度積水明秋空蒼
山落寒楚荒涼誰問俗慷慨卽懷古長嘯歸去
來餘意在蘭杜

岷峨秋晚

岷峨一千仞秀色橫清秋雲蟠隴蜀盡水入巴
江流旭日海上來蒼蒼樹色浮陽岬氣已變石

林陰未收疏鑿有古跡登臨仍壯遊落日下層
巔懷哉神禹憂

贈彈琴黃生

高館敞秋夕而多修竹林讀書有時閒游心復
鳴琴露月稍低樹清風遂彌襟特茲保貞素庶
以忘華簪

送黃秀才歸西鑪

外貌苦物役中心貴所知如何千里別值此清
秋時驅車弔古臺暢飲黃金卮疾風海上來黃

歷代詩選 明 林子 卷十七
葉散飛鴻雁 叫蘆渚 螺蛳結桑枝 感候意方戚
送遠神乃馳 離隔勿復道 久要長若斯

同周孝廉夜宿郡庠有述

乞身共棲遲 聚首殊契濶 子臥清溪雲 予弄滄
海月 人生駒隙耳 歲月坐超忽 欣茲一樽同 信
此百憂輟 晤言不知疲 高歌清夜發 久要諒無
違 保已終華髮

同王六博士烟霞觀

昔人煉金鼎 此地餘還丹 至今風篁鳴 猶疑下
笙鸞 出嶺訪靈異 投山宿天壇 一片月色古 千
秋松影寒 醴泉爲我酒 丹霞爲我餐 都無世人
夢 但佇風中翰 夫子苟有意 相期此投冠 到家
興未已 更取吾琴彈

同王六入西山尋白雲僧

秋山晚蒼蒼 引興白雲際 方聞出谷鐘 未返沿
源騎 躋攀霽心日 始到三摩地 苔色陰際寒 松
聲靜中細 空僧此巖棲 心寂跡如寄 經誦有時
閒 了了見山翠 抱琴者誰子 夙性貪幽致 雲臥

復何爲冰絃寫秋意西峰倏含景石榻又假寐
身寄孤鶴巢隱隱月初至陽礪澹空明陰林破
深邃久懷緇錫鄰頗與雲山契章甫如可投期
君訪靈異

道中偶詠

林館夕斲休星駕曉仍發沉沉樹若煙浩浩溪
如雪白首倦長途青山笑予拙

題徐濱湘潭離思圖

荆南不堪別孤棹向何處人分鴻雁秋樹帶瀟

湘雨離思亘重襟登高但凝佇

同鄭二宣江上泛舟

載酒入江色酒多江復長酣來散予纓濯向春
流香東壁過疎雨西崦殘夕陽猿禽相嘯叫雲
水共清蒼夕景更汎覽客程殊未央魚風葦上
起蚌月波中光嘗以事泮渙永期名迹忘乘槎
予豈必聊復咏滄浪

江閣秋雲圖

山雲初歛夕雲氣已歸壑何以散冲襟孤琴坐

歷代詩選 明林有私
江閣美人期不來天寒楓葉落

題秋江漁釣圖

移舟向潭石投釣臨寒流餘懷本澹蕩况此滄
江秋白日既濯濯清颺何瀏瀏適意非在魚所
希與神遊悠哉共恬淡惟應沙際鷗

海門秋望

雲巖聳高寒攀躋覽溟海試拂龍唇琴餘音散
蒼藹月搖波影中葉度秋聲外矯首蓬萊宮仙
人笑相待

齋中曉起

颺颺城鴉散蓼蓼戍鼓絕空庭寂無人衣上有
殘月清池盥漱罷高韻風中發爽氣山前來吾
襟抱冰雪

登清泠臺

吟秋宿絳月際曉登清泠揮手援碧蘿騰身棲
翠屏長風吹雨來不見羣山青鳥度白雲濕龍
歸滄海腥真僧此巖棲觀空靜襟靈竹塢見曝
衣花臺聞演經沃以甘露言迷途醉而醒願言

割茲愛永也投禪局

題異上人絳月軒

迢迢青蓮宇寂寂野僧定片月絳虛空羣巖破
陰暝雲窗晃玉毫露幔捲金鏡色映天影寒光
凝古渾淨常聞止水觀可以喻禪性夜久悟音
聞空山響煙磬

贈浮丘山

浮丘生能遠遊不學羽客棲丹丘挑簷荷笠來
滄洲我昔冥棲向溟渤攜書共讀東山月舊遊

冠蓋半凋零見子翻令心內熱羨子有遠志放
形天地間扁舟濯足望雲海短策振衣登雪山
太行北上連雁門燕臺鄴宮無復存國士由來
死知己令人感激思平原諸侯門深少知遇回
轅又復歸南楚醉裏行吟七澤秋燈前臥聽三
湘雨吾知浮丘心迹奇世人悠悠那得知草書
古篆更神妙擊劔彈棋無不爲嚴冬別我寒蕭
索尊酒都門爲君酌車輪遙遙忽不見惟見千
山雪花落

送林子山之閩中覲親

釣鱸橋頭流水香。冬青花開榕葉涼。壚頭酌酒
送行客。醉後狂吟成短章。世人懷別多慘愴。念
君此行何坦蕩。云是嚴君在武威。十季着盡遠
遊衣。鴻雁緘中空寄遠。魚龍川上苦思歸。以茲
出門心草草。拂衣便向長安道。古戍飛霜馬色
寒。重關曙月雞聲早。自古秦川亦壯哉。三峰華
岳掌中開。溫泉綠樹隴隴見。渭水黃河曲曲來。
邊庭相見悲復喜。白髮依依問鄉里。九月狐裘

尚覺寒。千鍾黍酒難成醉。聞道東還未有期。隴
頭好寄折梅詩。翻思人世皆爲客。何必臨歧是
別離。

過高逸人別墅

識子何不早見子。卽傾倒世人意氣不相合。顏
色雖同心草草。草子有園林東海濱。香名滿耳人
共聞。梁鴻避世身不仕。孔融愛客家常貧。茲晨
飲客青山墅。新壓葡萄酒如乳。綠樹穿窗鳥當
譌。紅條拂地花能舞。醉來興逸無不爲。投壺擊

歷代詩選 明林三才 卷十七 三
劔仍彈琴人生得意有如此世上悠悠那得知

經綺岫故宮

行人曉飯青山裏驅馬蒼茫經洛水昔聞綺岫
盛繁華不謂荒涼今若此憶昔行宮初構時梯
巖駕壑相逶迤美人桂殿夜看月公子柘弓朝
射麋翠華一去金門鎖露殿飛螢山葉墮往事
吹殘牧笛風危基半入樵人火今古消沉能幾
回春風依舊野花開君王巡狩不復見禾黍空
山鳥雀哀

賦得無諸城送浦舍人源歸晉陽

君不見昔時無諸城荒丘斷隴今人耕陵谷湮
沉知幾代古人精靈竟何在憶昔無諸全盛時
都城百雉何逶迤連營國步分秦土繪袞王章
入漢儀山河巍巍那可恃躍馬屠龍今已矣列
國猶傳赤帝封曲臺尚對滄江水滄江水流去
不還故宮落日不堪看寶衣夜化空陵火弓劔
秋懸古殿寒故人西歸從此去策馬秋蕪城下
路欲將陳迹問行人落葉紛紛不知處

歷代詩選 明林下
三
鐔上送僧歸衡山

上人孤閒似雲鶴十五出家住衡岳說法能超
最上禪持心不受羣疑縛世上誰知來去蹤南
窺秦華北遊嵩衲經雁蕩千峰雪定入峨眉半
夜鐘于今戒臍青松古猶泛慈航到東土楊柳
舟中九曲雲笄笠上三山雨昨夜歸心繞楚
天西風杖錫又茫然化龍潭畔清秋別回雁峰
頭舊日禪

初秋送友人之台城賦得把字

行人飲馬秋城下魯酒千鍾爲君把離亭正值
雁驚寒候館仍逢雨侵夜嗟予十季恒壯遊登
高甲遠無所憂襟期脫略向知己生事蕭條隨
野鷗南宮作吏歸來久富貴浮雲我何有三品
寧論小隱資百壺且醉平生酒露島煙汀岳水
濱風帆桂櫂生離分題詩爲寄漁樵侶惜別還
看鴻雁羣

出塞曲三首

壯遊誰憚遠西北是臨洮駿馬嘶金勒行人看

歷代詩選 明林氏
寶刀隴雲吹曙暗關月倚秋高早赴防胡壘三
軍待六韜

單于秋近塞驃騎遠臨邊吹角風沙動揚旌日
月懸驚鷗防獵箭戰馬識烽燧昨夜旄頭黑前
軍得右賢

煙塵起西北驅馬到長城萬古征人恨秋風隴
水聲雪埋金甲重月照寶刀明昨夜聞胡雁中
原有弟兄

訪邵隱君所居

隱君讀書處門巷少行塵竹塢琴邀月花林鳥
近人衣冠猶古制泉石是南鄰散帙多閒日休
嫌問字頻

同徐總戎登汴梁相國寺樓

傑閣千尋起平原四望開旅魂秋易斷鄉思醉
難裁魏國空流水梁園半野苔登高能作賦不
獨子雲才

題福山寺陳鉉讀書堂

窮經不出戶一室古珠宮燈影秋雲裏書聲晚

歷代詩選 明林三才
磬中開燈明竹雪散帙落松風料得無人到焚
香對遠公

遊天王寺得王字

金門辭隱吏寶地謁空王碧磻飛龍樹青山遶
雁堂露吟蘿卷幔雲臥石爲牀莫嘆春歸盡天
花晚更香

九日登臨

不到寺已久入門籬菊開山容帶紅葉鳥跡遍
蒼苔臥掩維摩室吟登般若臺慙非陶靖節誰

送一樽來

龍山亭

新亭依絕壁隱隱見游塵詎識鳴琴吏能邀落
帽賓啣杯山翠晚散帙鳥聲春自愧非王翰何
由遂卜鄰

行脚僧

朝衝暮復嵩那識白雲蹤度磧逢馴象浮河亢
毒龍衲經何限雪山過幾多峰季老無筋力方
懷故院松

○憶鄭二宣時往交州

旅棹若乘空春遊近日東遙憐滄海客共是白
頭翁雨霽魚吹浪天遙鶻借風清泠臺下路樽
酒幾時同

江上寄巴東故人

我憶巴東客長爲江上吟楚雲將夜夢湘月寄
愁心落日青楓樹秋風白帝砧遙傳一紙淚讀
罷想沾襟

送黃令之永寧

作牧成周地分襟建業舟孤燈聞雁夕落葉度
江秋雲路看高翥京塵厭舊遊離情如洛水日
夜向東流

宿雲門寺

龍宮臨水國鳥道入煙蘿海曠知天盡山空見
月多鶴歸僧自老松偃客重過便欲依禪寂塵
纓可奈何

遊方廣巖

玄巖太古色恍若入鴻濛一逕攀躋盡諸天杳

歷代詩選 明初子不
六
靄中雲歸山殿冷月出水簾空境靜離言說冷
冷松桂風

○送韋戶侯伯俊

青季慕侯印弓劍掛南陲月滿氍毹帳雲開
翡翠旗林花春載酒園竹夜彈棋不獨龍韜熟
文章爾更奇

○秋日登石壁精舍

攜琴向何處因訪梵王宮潭影漾秋白楓林鳴
晚紅磻空啼鳥寂地僻野泉通欲辯來時路蒼

江翠靄中

○題夕陽孤棹送鄭二之交州

離亭夕景遲遊子去何之白髮孤舟別滄溟萬
里期鄉心春鳥喚旅泊夜星隨無限分攜意慙
慙唱竹枝

送絕塵上人遊江南

南國隨緣到應無去在心聽鐘尋野寺乞食施
山禽晒衲梅風潤浮杯瘴海深遠公多古迹只
合老東林

歷代詩選 明林下雅 卷十七
中秋凌霄臺翫月

福地鄰三島朋簪盍二難逢秋能作賦見月卽
同看地迥青天近波澄碧海寬流輝初熠熠載
魄正團團桂影浮山殿珠光射石欄風來金氣
肅河瀉玉津寒搗藥深憑兔吹簫或駕鸞沾衣
垂露葉散步倚雲巒醉飲徒傾倒神遊極汗漫
自然超世累何必上天壇

九日登翠簾山

翠嶺出天中宮堯到半空歲時陶令節登眺楚

人風葉盡聞虛籟天清見斷鴻別家滄海上戀
闕五雲東斲就囊萸飲誰論戲馬雄醉鄉可棲
息渾不記飄蓬

王屋山天壇

名嶽推王屋孤標跨杳冥深窺砥柱黑高竝泰
行青分野連三晉風雲萃百靈鶴歸松已偃龍
去水猶腥竈隱燒丹火龕餘煉髓經羽人金磬
動應此禮寒星

劔閣秋陰圖

歷代詩選 明林下
分野秦封盡山川蜀國雄塹江流地底劔閣起
天中棧險巖頻轉蘿深月不通飛揚慙白帝開
闢憶蠶叢氣候三秋異猿聲衆壑同棟雲常礙
日巖樹遞呼風客路隨飛鳥鄉心掛落楓茲非
曠達士應此泣途窮

重遊宿雲臺憶蕭上人

昔日談經處今來獨上慵古臺黃葉積斜磴紫
苔封片月疑禪觀孤雲想化蹤夜燈無續火秋
院有鳴蛩漫倚題詩竹誰栽出世松夕陽無限

思幾杵暮天鐘

○春日遊東苑應制

長樂鐘鳴玉殿開千官步輦出蓬萊已教旭日
催龍馭更借春流泛羽盃堤柳欲眠鶯喚起宮
花乍落燕銜來宸遊好續簫韶奏京國于今有
鳳臺

和張考功春日早朝遇雪

今季春早覺春寒紫禁朝回雪未乾太液月低
銀兔濕蓬萊天近玉龍蟠吳鹽色瑩差堪擬郢

歷代詩選 明林... 十一
曲才高欲和難最喜風光先報柳漸舒晴翠拂
闌干

雪夜張尚書籌招飲以事不赴

南宮傑直雪晴時凍雀無聲隱竹埤
蕢酒斲同寒夜飲盍簪深負故人期
雲垂絳闕知天近月浸霜簾覺曙遲
除却安禪與招隱此身而外欲何爲

采石磯

斷磯縹緲駕危亭欄檻孤高見
蒼生半渚波濤通海白溧陽煙樹入淮青
騎鯨夜憶遊仙月泛鷁春浮奉使星
萬古憑高一回首玉壺清酒莫教醒

送高書記之邊

青袍書記去翩翩紫塞從戎不記年
磧裏倚弓看漢月雪中走馬入胡天
烏孫部落通煙火勅勒沙場乏水泉
聞道安西無戰鬪時時醉向酒家眠

送人入蜀

把酒長歌蜀道行高堂千里見君情微霜半落
青楓樹曙月平臨白帝城絳席不離江雁影沾
衣多向峽猿聲錦城莫道無知己何限居人識
馬卿

秋江別思圖

無諸城下送行舟蒲坐詩人賦遠遊歸夢不離
秦苑夕客程多在越鄉秋江楓葉落填沙岬塞
雁聲寒到驛樓會見使君簪冕貴未應華髮老
滄洲

浮亭風雨夜集憶鄭二宣

天涯此別意何窮一片愁心萬里同明鏡曉霜
驚白髮浮亭秋雨夢青楓書回絕島孤帆遠門
掩寒塘舊業空說着登臨多感慨一緘封淚寄
南鴻

○將歸台城留別陳八炫林六敏

南宮歸後歲蹉跎此日逢君奈別何野館解鞍
行客飯寒山對酒故人歌蒹葭水國孤鴻度橘
柚霜林疋馬過爲報已無軒冕夢清冷臺下臥

歷代詩選
明
煙蘿

○憶龍門高逸人

浮亭露飲玉樽空
千里心期此夕同
海路想經春草綠
越吟愁對夜燈紅
他山花發鶯啼後
別墅春歸積雨中
聖代祇今無隱逸
不應多病臥孤蓬

○送浦大歸晉陽分得衣字

離亭征騎曉駢駢
正值關河朔雁飛
白髮相看
閩海別青山遙送
晉陵歸江城雨外
蓮峰出野

寺霜前柿葉稀
自愧忘情非我輩
臨岐惟有一沾衣

送宮人入道二首

溫泉宮裏洗鉛華
共訝君恩許出家
阿監別時留佩玦
道流迎處指煙霞
乍拋月殿吹簫譜
學煉星壇伏火砂
幾度春風緱嶺上
步虛閒遶碧桃花

大家有旨許求仙
便着麻衣下九天
碧落早知騎鶴路
青春悔度種花年
已教水月澄心鏡
無

歷代詩選 明林千孫 卷十七
復香雲縮鬢蟬昨日麻姑來問信又言滄海變
成田

○江上送王悅歸關中

秋風吹冷薜蘿衣客裏逢君賦式微楚水別來
浮桂櫂秦川歸去掩柴扉中天華岳三峰削獨
樹關河一葉飛我有愁心如斷雁隨君征路向
斜暉

○送朗上人歸匡廬

浮盃渡海寄行蹤歸去匡廬若箇峰月滿空山

行迹遍心通萬法看經慵蘿深自識雲中寺秋
晚遙尋澗底鐘共有東林蓮社約寒流石上幾
時逢

○賦得垂楊送客

客路垂楊最有情暖風吹綠漸冥冥雨深煬帝
宮前見月落桓伊笛裏聽葉暗乍堪藏乳燕花
飛終恨化浮萍分攜欲折長條贈愁絕河橋酒
幔青

歸台城辱羣公追餞至江心亭

梅風初熟布帆歸相送勞君到翠微遠樹啼鶯
留客醉高林深竹見僧稀江心絕島晴浮出雨
外孤雲濕倦飛浦淑白鷗如有待想應知我拂
朝衣

○送僧遊蜀

蜀道峒嶷不易攀浮雲蹤跡去如閒畏途棧倚
天邊樹舊寺門扃海上山暝猿峽裏焚香宿暮
雪城中乞食還岐路送師多感慨朝簪未擲更
何顏

夏日與諸公至絳月蘭若

翠微精舍薜蘿垂磻戶陰陰暑不知青草舊遊
苔滿院白蓮新社雨侵池題詩好是書蕉葉招
隱誰同賦桂枝不向空門休物累下方塵土欲
何爲

秋江離思圖

粵城衰柳拂金堤雨裏秋襟惜解攜客散江亭
聞斷雁酒醒沙館候鳴雞楓橋夜冷吳謳起笠
澤天寒楚望迷天路雲山從此別一封書札爲

歷代詩選
明林一羽
三
君題

秋夜浦舍人見宿園亭分得天字

南宮飲散動經年。此會羈魂各黯然。霄漢故人誰復在。江潭逐客自堪憐。踈燈細雨開秋宴。落葉驚風攪夜眠。歸去晉陵成遠別。好憑陽雁望南天。

老卒還田里

蚤從玉帳出邊關。雪鬢垂絲喜得還。銳氣暗隨秋色盡。老情翻樂故園閒。戰場尚記歸時路。村

逕猶依舊日山。留得少季長劔在。壁間懸却好頻看。

送惠師歸東山別業

遠公飛錫出人寰。別築精藍俯碧灣。啼鳥不離階下樹。閒雲長護檻前山。燈懸靜室觀身悟。屐響空林送客還。借問松醪何日熟。會須乘月到禪關。

賦得羅浮山送人之任

陶令之官瘴海濱。羅浮勝境昔曾聞。飛來島嶼

歷代詩選 明林三才 卷十七
丹青合畫裏樓臺紫翠分曲澗花深常帶雨龍
川水暖欲生雲別離已是春風後那得梅花折
贈君

浮亭夜集寄華故人

南亭高館薜蘿深此夜思君萬里心鄉國舊遊
多怨別雲山何處獨登臨寒蕪落雁天低樹野
戍平沙燒隔林尊酒相逢還寄意也應知我一
沾襟

送林一歸山中

棟花雨裏醉逢迎南國看山又送行求侶暗驚
春草色還家愁逐暮江聲殘陽向野聞邊笛遠
樹登樓見海城誰念長沙遷謫久懶從季卜問
君平

晚日杉關

荒苔古道歛微曛馬上笳聲不可聞地自亂離
民舍少山當閩楚客程分長林積雨寒爲雪深
樹孤峰濕作雲愧我舊遊見關吏也將書劔學
終軍

歷代詩選 明 楊士雅
擬送馬秀才下第歸江南

嗟君失意賦歸休，家在滄洲憶舊遊。
灞上柳條牽客恨，江南草色向人愁。
山城落日寒吹角，水國連天夜泊舟。
莫嘆青春悞季少，古來白首未封侯。

流沙江夜泛

登艫日向夕，出浦雲已平。
月黑渡江處，北風蘆葦鳴。

寄周隱者

卜築深依野鹿羣，姓名何用世人聞。
平生身外無餘物，只有秋山幾片雲。

放歸言志

君門乞得此身閒，野樹煙江一櫂還。
收拾舊時詩酒伴，遠尋僧舍入秋山。

題吳江垂虹橋

雲帆秋晚過垂虹，落日鯨波動遠空。
欲借仙家遼海鶴，月明吹笛水晶宮。

曉行

歷代詩選 明林三才
前山樹暗月朧濛馬色雞聲共曉風不爲逢秋
多感慨只緣身在別離中

將之鐔城留別台城諸彥

冬青花外雨霏霏半濕征鞍半濕衣此去孤舟
無伴侶空江惟有白鷗飛

溪山春曉

香霧濛濛濕翠霞半簾殘月到仙家野橋初過
鶯聲曉乍見春溪水漲沙

題竹

醉墨淋漓濕未乾拂雲雙玉倚秋看別來嶮谷
空林月幾度淒涼遂裏寒

題小景圖

林木踈踈小徑分石泉嵐氣絕塵紛抱琴野客
歸何處閒却松窗半榻雲

題牧牛圖

綠草萋萋黃犢肥半簑殘雨臥東陂煙深埜水
行人絕家在寒林月上遲

平林歸牧

歷代詩選 明林三才
松林日入烟火生風起時聞長笛聲
灞頭芳草無歸路騎向清溪沙上行

竹枝詞

吳王宮前春水平灞陵橋上柳色青
江水不流離恨去楊花長送遠人行

附周玄詩

字微之將樂人

塞下曲

草檄馳高闕分符出未央
雕弓秋玉鏤寶劔夜金裝
馬飲長河白兵交落日黃
軍中諸校喜生

得左賢王

題山水畫寄筠州王校文

六奇秀南州五老萃西路風壤雖異區英靈總
佳譽千迴邊海日百丈際江樹蒼翠春到時空
濛鳥飛處沾衣蘿磴雨宿權花巖霧適楚偶目
新瞻閩屢懷故雅澹浩然想解道玄暉句慰爾
遠睽離因之裂紈素

賦得河橋草色送高大歸龍門

江頭微暄冰始開河橋一夜春風來傷心宛似

叢臺下青青草色青如苔二月三月青門道積
素浮光不堪掃酒幔煙中望却無釣磯水畔看
還好橋上蕭條人幾家芳洲漠漠楚天涯
斷梗飄寒雨晴逐遊絲映落花龍門還家孟諸
野清樽惆悵河橋下臨岐盡醉歌送君草上片
時駐君馬

送魯譯史歸山中

鄰霄臺下罷登臨一曲離歌淚滿襟芳草懷人
頗積夢流禾遠別又驚心春城雁去餘寒盡野

戍花飛暮雨深今日遠尋陶令尹青山臥病謝
朝簪

賦得宿猿洞送友人之湘中

惟石如雲起天上枯藤盤根垂百丈蘿深苔滑
鳥不栖索漠寒猿臥相向兩兩三三往復迴
花映水皆奇狀清秋倒樹風礮號初日排雲雪
巖壯醉客應爲巫峽吟行人厭作巴山望洞裏
愁聲誰忍聞別時對此堪惆悵

賦得函谷關送賈一

西望長安愴別顏荒城迢遞白雲間行人惡聽
河聲險舊路長連草色閒樹裏月來通漢苑天
邊雲霽傍秦山憑君如見關門尹爲問青牛幾
日還

陳大宅挾彈圖

鳴弓日晚騁霜啼灞上飛花踏作泥辛苦塞垣
多少恨五陵春色醉中迷

蘆雁詞

田食不厭肥沙宿不厭廣天長洲渚靜露下兼

葭響關河屢趨忽寒暑互來往南翔先雪過北
翼迎春返預愁遠道苦豈暇高丘想同類聊自
持分飛恐矰網

○行路難

長安行路難上闕隘秦關萬里貂裘敝三邊寶
劔閒近聞絳灌在翻謫賈生還歸去在歌客蕭
條草莽間

十六日湖塘上觀月

玉露寒侵鳩鵲樓桂花池館恨悠悠不妨歌舞

留人醉一夜清光減却秋

附黃玄詩

字玄之候官人

送方大歸莆

魯酒醉行客越弦激商聲中懷百憂集兼此離
別情陽月過吳楚驅車下關城北風捲微雪擁
袂還宵征誰謂此枯槁翻然逢鮑生平居異鄉
國失路如弟兄雲月寄遐想心與澄溪明何因
別離水又向東南傾還激清淺處爲君濯長纓
後期眇川岳悵望何時平

度陽隍江得口字

暮色入長江江帆疾於鳥蒼山白雲外一望更
何有颯沓風雨來蕭條夕陽後張燈照寒爐且
復醉杯酒長歌滄浪曲遠應滄浪叟巖暗古木
深沙虛暮潮吼發家春序深去國別情厚何處
有僧廬殘鐘出溪口

秋夜聽谷大彈陽春白雪遂歌以贈

昔聞歌白雪未知弦上聲看君彈來秋月下十
指如度春風鳴初聞飄飄下天闕亂逐回風氣

騷屑凍來深樹梅不開散入空林竹應折又如
紛紛江上來流音中節渾相催灞陵一日幾人
度剡溪半夜孤舟迴清川帶寒流野鳥絕繁語
少女歌殘葉共飛仙郎唱罷花能舞須臾雪晴
風亦遲按絃問君君不知聲幽響絕無所見惟
見桐枝秋露垂

河上立春

故國幾時別殊鄉今早春青陽開霽雪殘日送
歸人漸與雲霄隔空驚歲月新不堪零落處愁

淚滿衣巾

金山寺

江心浮絕島古寺軼氛埃樓迥中天起窗閒向
水開空雲龍影度海雨雁聲來故國登臨後如
今又幾迴

過方山舊居處

曾逐孤舟背遠村清溪一去不知源于今莫辨
秦人處野鳥潭花卽故園

○同王大過異公房憶孟宣海上

山中初見蜀葵花秋後登臨感物華過客偶因
隨杖屨老僧何用具袈裟空階候葉飛霜早遠
郭清砧落日斜近得浮丘書信否幾時滄海報
還家

送金秀才之溫陵

官亭花發酒初香白馬翩翩大道傍醉客盡隨
歌舞散寒川空對別離長紫雲洞裏逢秋月赤
鯉潭邊度早霜休說故山多少恨軍中次角斷
人腸

齋居懷林逸人

累月不出戶堦前空綠苔如何歸雁後不見故
人來野竹連書幌寒山對酒杯閒居能著述端
愧子雲才

春日感懷

壯圖今若此隨牒豈辭勞滄海憐孤劔青春感
二毛沙明殘雪迥河斷隴雲高未必逢知己愁
心正鬱陶

附浦原詩

字長源無錫人

送賈文學入京

春城送別已斜陽
花發官亭酒正香
遠騎青山江上路
新鸞細柳禁中墻
踈星北闕趨朝早
澹月南宮聽漏長
誰謂賈生季最少
猶能陳策輔君王

寄袁二

長安季少羽林郎
騎射惟能事武皇
弓影醉開孤月滿
刀頭新買百金裝
聽雞曉閣踈星白
走馬春郊細柳黃
應慕玉門關外去
請纓先繫左

賢王

贈徐御史

都門山水麗晴暉
驄馬南行雁正飛
投驛暮塘明候火
解鞍秋露濕征衣
心懷鳳闕時時到
夢繞烏臺夜夜歸
當道獨能存古意
公餘還肯顧寒微

送荆南師戶侯移鎮兵安

悠悠旌旆碧雲端
遠去孤城入亂山
淮月上樓人奏角
海天低樹雁臨關
幾家白髮遺民在
千

里青絲獵騎還。舊鎮荆南多勝槩。別來惟見畫
圖間。

送包鶴洲歸湖上

西風江上賦歸休。值雨那堪夜泊舟。官路暝煙
迷驛舍。郡城寒火出更樓。到家正及湖田熟。在
客先驚館樹秋。還憶情人相別處。短亭孤棹共
悠悠。

寄楊先歸穎上

荒城此日共悽然。我欲南征子北遷。秋雨黃蘆
思穎水。夕陽紅稻憶吳田。蕭條客舍蟲聲裏。迢
遞鄉書雁影邊。安得相逢一攜手。別離同話酒
尊前。

○阻風清河縣

阻風淮畔憶家山。骨肉相親夢寐間。冀北一官
今獨往。江南千里幾時還。孤村人語秋臨水。小
縣雞鳴夜掩關。明月異鄉誰不見。嗟予偏對別
離顏。

送人還鄉

都門楊柳拂離筵歸路青山水國連三月春陰
垂細雨幾家寒食起新燠聽鶯谷口停行蓋立
馬江頭問渡船此去故園應酒熟杏花開遍草
堂前

送人之荆門

長江風颺布帆輕西入荆門感客情三國已亡
遺舊壘幾家猶在在荒城雲邊路遶巴山色樹
裏河流漢水聲若過旗亭多取醉不須弔古謾
題名

挽高季迪

鼓罷瑤琴遂解形蕭蕭日影下寒城薄田供祭
遺妻子新塚題名望友生地下未應消俠氣人
間誰肯沒詩名舊廬重過悲聞笛欲賦招魂竟
不成

送王二歸山中

闔闔城外歛餘暉水國蒼茫夕鳥微遠火山中
人未宿孤舟江上客初歸高林菓熟經新雨踈
柳春深映舊扉遙想到家無一事閒看見女笑

牽衣

送高驛丞朝京

官槐繞驛蔭通津
畫舫參差候水濱
客枕久聽吳苑雨
鄉書多寄洛陽人
停杯別館鶯聲早
策馬征途月色新
遥想到京寒食後
五陵花柳萬家春

西城晚眺

宮柳猶遮舊女牆
角聲孤起送斜陽
英雄百戰成寥落
吳楚平分自渺茫
寒雁動愁離塞遠
暮

江流恨入雲長古
今天地誰非客
何用登臨獨感傷

贈趙王孫

南度今來幾葉孫
亂離文獻尚能存
餘生獨繼先王祀
盛世重霑聖主恩
數畝薄田收故邑
一株喬木住荒村
遥聞客至偏多喜
共聽樵歌對酒尊

○重居寺雨後次初上人韻

空庭修竹響琅琅
夜坐高齋語對床
茶竈有泉

歷代詩選 明浦長源
分古澗寺門無樹掩寒塘禪心不動千峰暝旅
夢將歸百里長歲晚荆南聽風雨故園何日守
茅堂

○林膳部鴻浮亭夜飲

都亭分袂惜蹉跎此夕相逢奈若何細雨踈燈
聞落葉斷雲高樹見明河客踪迢遞天邊雁歸
夢微茫海上波鞍馬朝來又成別且傾尊酒一
狂歌

贈別謝秀才

蘭陵陌上喜逢君華館清談酒未曛蟲喚旅愁
秋已半燭欹吟影夜初分虛窗葉響風驚雨遠
浦鐘來水接雲良會不知能幾度明朝何事又
離羣

宿道上人山房

夜行衝席入山深獨扣禪扉到竹林僧語虛空
身外性客慚貧賤夢中心高齋飲罷燃松火古
箒詩成覆楮衾明日又從何處去荒郊寒葉正
沉沉

瓊妃墓

荒丘寂寂瘞香魂
雨洗殘碑字已昏
尚有鄰僧開古逕
終無野老奠芳尊
春雲不染羅裙色
秋月空懸玉鏡痕
詞客經過休嘆息
吳王宮裏有誰存

懷友

故人多沒別離間
季少惟君尚未還
雨歇聽鶯逢楚驛
花飛立馬別吳關
客愁蕭瑟淮南葉
鄉思蒼茫海上山
何日高樓重買醉
尊前舞劍笑

朱顏

和馬秀才先歸

長安甲第似雲稠
冠蓋相望孰解愁
宮漏深沉春樹裏
禁垣環繞碧山頭
微煙草色迷征路
澹月梨花隱驛樓
聞道馬卿歸臥病
懶攻詞賦客諸侯

贈王鍊師

門掩秋風葉落深
茅山道士忽相尋
潭龍作雨常聞呪
海鶴橫空獨抱琴
煮茗石房松火在
采

芝樵徑野泉侵日斜空館將爲別寫就新詩再
與吟

送師侯鎮六安

足馬來英六青山路幾重天和淮甸雨邑古漢
家封幕府張新幟關山掩暮鐘將軍諸國政教
戰復興農

秋江送別馬明府歸田

我來君又去同是宦遊人別處初逢雪還家始
見春盃傾故國酒衣拂異鄉塵却嘆離居者依
依孰可親

過星輅館

仙館萬山深鑿輿近駐臨洞門金鎖闥垂柳粉
墻陰旌旆移龍影笙竿過鳳音小臣來獨晚向
此一沉吟

春日旅懷

別後猶飄泊春來倍嘆嗟花開今日少人憶故
園餘細雨連山暝清溪入郭斜慈闈在何處欲
望暮雲遮

○春夜聞笛

鼓角動春城
嚶嚶旅雁鳴
上林花送影
邊地雨連聲
萬里還家國
千行結弟兄
晉陽今夜客
聞爾獨傷情

送丘上舍之邊上

揮金收壯士
解劔贈離羣
數騎臨秋去
孤猿入夜聞
帳寒營滿雪
邊曠路連雲
願出胸中策
擒胡報漢君

懷何士信謫西河

全家離故鄉
萬里謫窮荒
草木踈邊境
牛羊繞帳房
風聲連雨雪
漢語雜氐羌
遠念平生友
行吟淚竹痕

贈張穎州

迢遞浮淮泗
淒涼過穎州
水陰孤館夕
草色半城秋
才薄慚王事
吟多惜宦遊
不逢張太守
那得暫相留

和于先生

秋城黃葉下
聞笛淚沾衣
乍雨千峰出
殘陽一

歷代詩選 明浦長洲 四
鳥歸客貧知己少鄉遠去人稀何事荆南道逢
君始可依

并州寒食

夢入故園千里遠覺來寒食在并州垂楊不是
相思樹那得花開便白頭

題張生舊館

廣陵人去客天涯舊館淒涼閉落花立馬斜陽
空酒淚一聲橫笛起鄰家

題趙昌所畫御屏牡丹

綠蕪春雨洛陽城不見名花國已傾影落畫屏
何處物斷金殘粉故宮情

題明妃出塞圖

畫圖愁見貌如花胡騎叢中度雪沙萬里瓊房
明月夜誰知思漢泣琵琶

客舍中秋不見月

去季妻子對同歡今日秋陰客舍寒不是清光
不相照照來孤影托誰看

題畫

延陵廟裏碑仍在黃歇墳前客不過回首此時
空弔古半江煙雨夕陽多

酬于秀才

酒醒題詩憶送君殘陽半掩竹間門相思昨夜
空齋裏燭滅香爐火尚溫

秋夜聞角

一聲孤角起邊頭月照關山萬里愁何事并州
今夜客聽來翻憶故園愁

除夜客懷

火冷空齋夜掩霜明朝新歲在殊方故鄉親老
誰相守獨對寒燈泣數行

竹枝詞

紅漆車兒駕白羊吳鹽空洒竹枝香不知羊角
如心曲纔聽車輪欲斷腸

贈別沈校書

與君昔相逢花開酒樓醉春風平生車馬願與
共何意事變分西東君臥東山裏我釣西江曲
幾回楓樹夢中青千里桂枝愁處綠飛燕翔鴻

徒往來音書不寄使人哀返照斜分遠行路浮
雲亂遶舊登臺今朝復見蘭陵道細雨微煙濕
芳草別離惆悵十年多我少朱顏君已老握君
手與君吟感君知己復知音我將歸去重回首
雲海蒼茫情更深

送王濟民歸盤

官亭酒香柳花白下馬持觴送行客客歸江上
愁更多春水雨中生綠波青山遙對楊子渡殘
日微明廣陵樹渡頭酒醒傷別離夜半舟人歌

竹枝鳥啼月落海天遠驛亭已過淮陰縣楚鄉
菰飯食有魚宵征在鞍宿在車中原漸近太行
麓不知何處通盤谷一逕縈紆萬壑深始知舊
宅隱雲林昔年泉谷渾無恙猿鶴猶存松桂長
遺老家家懷故情相邀雞黍話平生蹲前不問
宦遊好只說山中農事早數畝何須負郭田郡
中太守正求賢知君不肯入城市且逐漁樵向
山水江南故人那可逢有書仍寄南飛鴻

源字長源常州無錫縣人洪武中晉府引禮

舍人與福清林鴻同時仕而入閩以詩謁鴻
鴻不見使門人周玄黃玄問所從來源出所
懷詩投之曰以此相評耳二玄讀之至雲邊
路遶巴山色樹裏河流漢水聲驚嘆曰吾家
詩也白鴻出見之相得益歡避所居舍源日
與爲詩由是浦舍人詩名籍甚舍人所著詩
多軼弗傳勅輯諸家所選者爲一卷淘沙揀
金業已見寶自不必連篇累牘也萬曆丁酉

秋日三山徐勗興公題

明詩卷之十七

終

王恭傳

王恭字安中閩縣人也環閩皆山而恭家故貧則爲樵往來羣山中自稱曰皆山樵者恭善爲詩援筆纒纒十言立就永樂四年有司以儒士薦強起至京師年六十餘老矣勅脩大典同郡王儻爲翰林簡討同纂脩戲謂恭曰君無以令稽章綬故來耶恭從容笑謝曰吾山中斧柯幸自無恙居三年大典成詩試高第授翰林典籍居頃之投牒歸著詩數十卷號曰白雲樵

唱其在金陵曰鳳臺清歎歸田曰草澤狂歌軼
不盡傳廬陵解縉稱其布衣蕭然不慕寵榮強
之而起朝陽鳳鳴此足以槩恭云

唐泰傳

唐泰者閩縣人也字亨仲洪武二十六年舉于
鄉明年擢進士第授行人歷浙江按察僉事陝
西副使泰少善聲詩與同郡黃濟為詩友其所
著皆軼不傳所見善鳴集中

王褒唐泰傳終

石倉十二代詩選

明詩卷之十八

皆山集

大明

三山王恭著

後學曹學佺閱

遊天台國清寺

飛步赤城標連峰積空翠杳靄葱蒨閭千秋隱
靈異石橋孤鳥外香界清輝裏羣壑澹歸雲遙
林引寒吹遂造豐干廬畫蘿覆溪外真僧五百
人了了西來意願此學無生超然謝塵滓

擬古

歷代詩選 明王安
明月照我室攬衣起中堂北風卷帷幔羅襪微
有霜崇蘭委芳質寒蛩啼近牀平生所親者宛
在天一方相思無由理况此寒夜長单居易爲
感不覺涕沾裳

秋日山行

清秋發佳興着屐窮翠微鳥度黃葉澗猿啼白
雲扉野寺隱孤磬遙峰當夕暉浮雲澹空宇石
瀨清心機緬懷蘇門嘯願拂林中衣長歌望薜
蘿思與塵世違

仲秋送人之塞上

河洲始鳴雁白露沾我衣念子昔鄉國秋風度
金微舉頭見黃葉倏忽四散飛如彼遠遊子漂
泊何當歸人生無百年會面安可稀行當慎霜
霰皓首以爲期

經友人故宅

策馬孤城下經過淚盈襟開門絳蠅蚶井竈莓
苔深念彼泉下人悽然杳難尋蕭條故籬菊識
我平生心攬轡向前路徘徊出寒林誰知山陽

歷代詩選 明王安中 二
笛惻愴猶至今

雨夜舟中作

落日浮洞庭宵分逗煙舸側聞巴陵鐘遙愛君
山火片雨潭上來涼聲滿高卧龍鳴秋籟寒蛟
泣靈珠墮瑤瑟何淒其蒼梧曉來過誰能問重
華空鼓瀟湘柂

林思器席上燕別高漫士得思字

月出東大堤含輝正流麗同心以綢繆何乃生
離異置酒登高臺臺中筦絃思臨觴不能御恨

恨心已醉憶昔俱少年春言不相棄及茲別離
時衰境倏已至念君遠行遊巖駕越淮泗阿閣
入雲中皇居儼迢遞京邑多故人誰爲顧微細
恨無晨風翰隨君發遐裔浮雲東南翔夕景忽
西逝安能守窮賤皓首以遺世

送林彥賓重廬州省兄

斗酒不忍別空歌歎離羣夢隨楚天鳥心逐淮
山雲九月梨花紅千門響砧杵朝拂車上霜暮
投月中壑一別連枝幾斷魂秋風又念鵝鴒原

歷代詩選 明王安中 三
此行莫作分飛雁看爾雙雙歸故園

與同志汎舟得淨字

登艫發清嘯落日鏡湖淨微月波上澄歸雲鳥
邊迥水木生夏涼孤崖破陰暝矧茲簪佩同復
此滄洲興中夜棹歌還遙峰響煙磬

九月一日過崇信蘭若

荒山響清梵竟日無行跡釋子支遁流相逢澹
空寂雲歸天際閒鳥度林中外境淨秋色多心
遠羣機息妙契兩忘言微鐘出蘿薜

清江散人爲林孔逸寫前林過雨圖

清川帶長林雨後宜水木澹洳天影寒孤光霽
人日歸雲澹空青虛窗響懸瀑日夕山氣佳心
閒道機熟煉際下遙鐘西巖數峰綠

書金碧山水

翠峰紉金碧積水澄天鏡叢木生夏涼孤雲破
朝暎波深魚鳥同地遠衣冠勝意悵遂忘機神
閒庶遺境擾擾塵空吾將弄煙艇

題畫

歷代詩選 明王安
四
鵬冠飯雕胡分與時人淺道存心自玄豈必泉
蘿遠綠水淨鳴琴空林對虛館山中春桂枝倏
爾飛霜滿寄語青雲人投簪事應晚

題高漫士山水圖

山郭雨新霽孤雲濕猶飛嵐嶺隱空翠石林閑
清暉時與同心人迢遙愛荆扉都無浮世累共
我飯蕨薇日夕笑分去微風拂蘿衣

虛白子水墨圖爲陳思孝題

開圖見嵩少妙趣忽已領濛濛花源陰窈窕多
靈境石洞闕苔紋天窗逗雲影迎秋鷓冠涼先
雪荷衣冷長夜何所聞龍鳴在西頂

竹林少年行

生少事嫖姚出身竹林子力戰三邊豈顧身報
讎千里曾輕死相看雪刃氣如虹白日橫行都
市中鳴鞭走馬入州縣紛紛郎吏爭趨風自言
家住邯鄲陌出入金門侍君劍門前不數五侯
賓○醉裏常輕二千石日晚長楸校獵歸可憐人
馬生光輝自矜恩寵常如此大笑傍人終布衣

歷代詩選 明三安 五
古從軍行

少小事嫖姚辛苦煙塵裏力盡三邊竟未歸身
經百戰常輕死古戍蒼蒼絕塞邊黃沙白草暗
祈連將軍金印不得佩麾下鐵衣今已穿往來
陰磧狼山下破訥峰南戰初罷走馬交河雪下
時洗兵瀚海鴻飛夜戰骨蕭條翳草根邊烽寂
寞照營門只知邊將封侯貴不見沙場愁斷魂

陳思孝石田山房

阿誰書室山陰墅舊是郎官棲隱處山頭先雪

剪茆茨石上開雲種禾黍禾黍秋香酒滿杯綠
蘿花發映莓苔龍龕樹底鐘初斷金漆湖邊月
又來柴門盡日人稀到山葉無風自飛墮階下
紅泉鳥飲殘谷口青沈鹿行破憶昨郎官未仕
時石田茆舍此栖遲青山醉逐漁樵伴白眼羞
逢杜宛兒金陵大道青天上別後丘園也惆悵
四壁寒蛩夜夜聲一簾草蔓青青長往事浮雲
其渺然風流嘉政歿仍傳舊篋愁看書尚在開
門時見榻邊懸

題張師夔木石

荒村怪石連樹根古苔蒙茸野棘繁蛟龍騰空
虎豹蹲寒霜落葉啼清猿石門窈窕通仙源我
欲飄飄絕世喧樸山老人無復存徃徃人間驚
墨痕夢着銀簫亦斷魂垂蘿飛鳥如可捫石泉
泠泠洗心言白雲飛來誰與論

書香山九老圖

唐家名臣白居易暮年脫略青雲器抗節羞趨
當路門拂衣起謝人間事以茲疎散愛香山路

下羣公亦遂閒玉堂金馬俱殘夢流水孤雲同
去還石樓煙樹隴隴見八節廻灘瀉秋練雲衣
落落古松姿鶴髮皤皤凍梨面人生宦達應如
此豈必浮名結青史楚國三生少見機竹林七
子徒爲爾名遂身閒古所稀洛陽山水饒清暉
青山何處無佳賞白首漣沈空布衣

送林彥衡子壻遊漢趙嘉禾吉期

蜀葵初黃柳飛雪棹歌聲裏行人別別思空隨
海上波客心已醉吳中月嘉禾山水盛繁華才

子今遊若到家金屏射中雙棲鳥紅燭爭開傘
蒂花問君今年二十幾大顙疎眉有如此少君
不愧鮑家郎樂廣應奇衛公子冰玉相親情更
多泮林官况近何如爲言白首甘藜藿豈望青
雲到薜蘿

空江秋遂浮丘鄭助教索予賦之

桓家野王弄秋玉流落秋亭半枝竹君山老人
何處歸夢入瀟湘洞庭曲浮丘仙客五湖心復
向滄波學鳳吟不吹玉塞梅花調不奏青樓楊

柳音商聲遲遲羽聲急寒葦飛花露香入水靈
解佩撇波來山魅吹燈倚雲泣萬事無心一葉
舟夜寒星斗落船頭數聲絕島魚龍曙三弄澄
潭雁鷺秋初聞鳳在圖倏爾聽吟水天籟風泉
何處鳴落木寒猿一時起浮丘子通靈仙汗漫
終懸魏闕情曲終又欲蓬萊去日抱雲璈朝玉
京

箏人勸酒

新豐美人青樓姬絳裙素腕嬌雙眉暫歇秦箏

勸郎酒西涼蒲萄金屈卮郎君但飲休辭醉百
年悠悠夢中是神血朝凝不復知日暮青山北
冪裏翻身更整十三絃金雁離離繞鈿蟬十二
闌干月將墜錦蓮紅燭浮青煙人生歡樂那能
久豈悟星躔倏奔走妾容未改君少年日日樽
前勸君酒

妾薄命

玉釵墜地無全股雙鳳蟠龍兩分去雖藏匣底
終棄捐欲賣傍人不直錢轆轤宛轉黃金井手
挽銅餅繫纖綆誰知綆斷餅墜泉千尺深沈不
窺影銅餅墜泉釵墜地君心何得生離異

東樓歌

東樓美酒黃金杓客子迎霜葛衣薄西樓朝飯
盤有魚客子家林無斗儲他人方寸那堪托傾
到三杯吐然諾咫尺相看隔九疑不待明朝異
山嶽君不見牙籤細帙滿牀頭不及雷塘百畝
秋君不見誦詩三百徒爲爾秦青一弄傾人耳
滄波去去堪乘興望鶴孤雲本無定毛生自薦

歷代詩選 明三安 九
祗徒勞曾連豈顧千金贈行路難難重陳史雲
只合長苦辛落拓還騎少游馬往來嵩華青山
下

歌行奉餞閩守姑蘇陸公秩滿之京

吳門山水多奇秀使君獨繼宣公後錦袍新繡
鷺絲紋銀印低垂虎頭綬閩城官柳拂雙旗花
裏行春五馬遲訟庭幾度聞鳴鴟仙館三回見
荔枝功成又欲朝京去遠心已絀南宮樹枇杷
開花鴻雁霜此時正及鄉山路車傍父老持百
錢馬上同官惜別筵冠恂好借留河內黃霸終
須出潁川金陵客舍春還早快馬輕裘滿馳道
使君行篋但蕭然惟有貞元諫書草

書樂邑長史高涼黃公性成六平清致

軒丘之人何坦蕩奮身擬在蕭曹上三語曾聞
作椽名一言尚遇知音賞誰云枳棘不棲鸞暫
屈長才向小官月俸持還酒家去春衣猶似帝
京寒六平峰下開仙館案牘閒時任蕭散南澗
飛泉固內清西林爽氣朝來滿自從下馬少鞭

歷代詩選 明王安中 十
咎隣邑爭傳贊畫奇遂使郎官惟坐笑每逢才子卽聯詩有時獨上橫琴石萬水千峰起遙憶金馬長懸魏闕情銅魚不記鄉山色南宮考績待朝天莫笑行囊但一錢應知太史求循吏籍籍聲名繼潁川

爲陳必尚題山水圖

太常積飛翠朝夕侵我廬嚴公湖上水色映靈臺虛雁峰列屋三山峭散帙鳴琴亦高妙半榻閒雲鶴夢醒一簾初日藤花笑願余性癖愛清暉終日相過盡醉歸幾度離家聲別調何時恩許卸朝衣黃花九月高樓酒無那明朝又分手座中應感去年人馬上空攀未霜柳酌酒看山興暫同君家兄弟氣如虹萍蹤自愧無南北聊寄相思水墨中

龍龕燕集弁序

新寧有佳山水而龍龕又山水之尤佳者也搢紳鉅公往往輩出由清淑扶輿鍾秀所致也今年夏浮梁丞陳思孝服

歷代詩選 明王安中
關將赴天官予走送海上因造茲山丞
廼率其族人賁酒饌慕香爐峯憇望海
亭抵水樂堂遂觴予金仙之居少長咸
萃凡十餘輩既酣丞昆季果之衛之舉
酒屬予賦詩辭不獲已遂書于壁聊紀
一時之會

蓮宇最高處青蘿隱丹梯鐘鳴海色動四壁聞
天鷄簌竹蒼梧坐翠分石林陰洞未歸雲香爐
峰小開窗見水樂聲寒隔坐聞迴風颯颯吹松

枯落日澄潭見毫髮龍眠水底呼不醒千歲寒
聚雨苔滑而我發遐想興來隨所之綠雲踏鳥
道披荒上天池天池色映黃姑水手接飛藤洗
雙耳鬼谷仙源杳靈閣雁蕩天台只如此望海
亭中載酒來石楠花氣拂金杯葛衣醉倒繡經
榻紗帽狂歌施食臺龍龕法侶心無垢宴坐禪
扉說空有玄度難酬支遁詞鑿齒曾于道安厚
浮梁少尹欲朝天羣從相看惜別筵遙想五雲
雙闕下時時飛夢繞林泉

書陳思中鐘山草堂

東人結廬雲水間。有時飛夢遊天關。西入白馬
長安道。身寄玉堂心在山。草堂只在鐘山口。石
門南頭大溪右。古木垂蘿遶四簷。紅泉翠壁當
虛牖。憐君白面魯諸生。却愛幽居隱姓名。興來
滿載東山酒。春至還尋谷口耕。卷幔橫經坐曲
房。穿林着屐采芸香。天寒煮茗僧同榻。月出彈
絃鹿近牀。巖扉近舍多幽處。向子何須更長去。
心遠能忘朝市喧。機閒自得煙霞趣。獨鶴孤雲

任此身至人。舒卷道爲隣。草堂亦有山靈在。莫
學周顛却笑人。

書高漫士爲道人遊月窗作水墨圖

茲山連峰勢磅礴。空翠濛濛坐中落。始悟方壺
醉裏陰。復訝商公興時作。竹澗堂臨溪水濱。龍
門墨客問通津。相逢大醉仙家酒。戲墨持歸鶴
上人。鶴上仙人與山好。每見此山應絕倒。雲斷
嵩丘少室閒。龍鳴華頂天台早。我也平生苦愛
山。塵緣未割竟何顏。願隨飛珮花源去。一見秦

歷代詩選
明王安中
人遂不還

送憲吏鄭彥林考滿赴吏部

我昔維舟東上潭見君家住岐陽南門垂粟里
先生柳身著栢臺從事衫前年寄詩沙頭道去
年期我山中草疋馬今年又別離斗酒何年共
談笑今去皇州霜在潭况逢淮樹葉初酣思女
當壚卷細袖白門燒酒破紅柑人人盡道山公
好于爾長林無不堪

書梅江陳汝疇家藏古畫

吳絲半幅無全縷越樹淮雲楚天雨兵燹流傳
不記年丹青漫滅空存古絕壁連峰窈窕間劔
門迢迢對荆關疎鐘遠火褒斜谷落葉秋風子
午山西遊去去羈塵綬草衣筓笠今何有箕山
不見棄瓢人涓曲難逢釣魚叟君家父子愛林
丘靜裏乾坤不着愁南塘耕畢閒看畫醉倚千
金水上樓

贈溫陵王玉堅遊京師

王郎解劔還鄉里六年不夢軍中事垂竿靜釣

歷代詩選 明王安中
鼇江雲買舟忽過梅城水自說年來愛遠遊東
裝今去上皇州溪行笄笠三山雨水宿蒲帆五
月秋棹歌明日過京口我亦西遊今白首分手
前程莫歎嗟白門相遇應沽酒

老將行

生小事邊州罷歸頭盡白玉門
邏逃別來深雲鳥魚麗舊曾歷
三尺吳鈎兩斛弓絳在關門高
閣中羽林一二少年輩昨日封
侯欺老翁翻思戰場裏秋霜斷
人骨髑髏夜夜聲滿天盡是長

平舊降卒

銅雀妓

朝上銅雀臺夕弄管絃哀灑酒
望陵樹悲風千里回飛纒絳青
漢舞袖空狎徊君王不可見玉
座成蒼苔

秋塘曲

妾家住寒塘夫婿平原客白馬
五陵遊空閨斷行跡憶昨別君
時蒲生柳條碧及此君不歸登
臚感秋色

歷代詩選 明 王安中 卷五
暮秋過陳氏園林

幽人棲隱處苔逕連深曲秋至垂橘黃霜清大
梨熟方池泛天影可以澄心目飲水共忘形何
須狗榮祿

舟次鐔津

木落川氣涼鴻飛水容夕微燈射遠沙夜榜隣
幽石月色棲處寒霜花坐來白遙見九華峰蒼
蒼但蘿薜

送林漢孟遊溫陵

月出螺渚寒扁舟水容夕獨樹起鳴猿遙山帶
行客清源鐘磬音金粟煙蘿碧高唱人莫酬探
幽向禪寂

方壺漁隱圖

滄浪深不極孤棹獨容與白髮尚漁竿何心戀
珪組條然水木興浩蕩沙鷗侶回首莓苔峰蒼
茫夜來雨

題鄭氏家藏古畫

涼雨靜氛壑孤雲結層陰飛流激荒澗嘉木澄

歷代詩選 明王安中 卷八 其
幽林鳥啼谷中靜
人間川上心誰爲
後來者當期此投簪

書周造士扇頭

極浦澹野姿遙峰寫脩
眉清暉襲房櫳細帙生
華滋嘉爾日在泮還山
仍下帷惟應結幽興與
我琴心期

題畫扇面

山空水雲淨月出洲渚
白寒葦梳幽風孤蓬逗
秋色番綸久忘魚擊汰
非干澤終愧坐磻溪皓

首鈞人國

塞下曲

雲中今已平軍士凱歌
聲天地胡塵沒關山漢
月明洗兵秋度磧牧馬
夜歸營多少還家夢中
原有弟兄

其二

鐵騎向邊州生隨定遠
侯戰餘關月冷兵盡虜
塵秋萬骨纏沙草孤魂
集戍樓惟餘忠憤在須
臠月支頭

其三

白戰皐蘭北長驅入塞垣陰雲橫虜陣朔雪度
營門牧馬邊塵黑鳴笳隴日昏辛勤看玉劔猶
未答君恩

金陵送人落第歸江南

鳳臺寒日暮千里送君還別夢愁京雨鄉心往
楚山落花偏擁棹歸雁獨臨關應醉家林月青
雲好是閒

○梅江夜泊

卸帆依暝渚帶酒宿沙頭戍鼓嚴更漏寒鐘落
釣舟霜明城下水月暗海西樓薄曉啼猿罷蒼
蒼遠樹愁

客中聞子規

關路草萋萋楓林杜宇啼思深湘岫曲聲斷郢
雲西故國春歸盡他鄉客去迷淒涼聽漸近疲
馬亦長嘶

古鏡

匣裏菱花鏡摩挲恨轉深土花浮綠葦秋月閉

寒陰漢女曾窺貌秦人已照心蛟龍今剝落徒
爾折黃金

松寺清秋

迢遞青蓮宇雲邊事事幽松花山路晚鶴夢寺
門秋黃葉僧前落清泉屋上流所嗟塵累久那
得此淹留

經漂母墓

寂莫淮陰路荒城接楚原誰能懷漂母曾此飯
王孫孤冢今猶在千金不復論身慚非國士茲

去向何門

昭君怨

掩淚向邊州君恩此日休身隨胡地遠心是漢
宮愁雁塞春難度龍堆草易秋玉容何足貴翻
作羽林羞

送林山人入城

林棲無外事訪舊入東城漸失聞猿處多逢結
駟行古榕藏驛舍殘柳拂軍營薄暮遙鐘起紛
紛薜荔情

書谷口雲深圖

連峰轉幽邃，竟日白雲多。峽裏非人境，春深但女蘿。仙源空翠遠，香界斷鐘和。鷺鶴飄飄去，塵蹤獨奈何。

題黃聲玉環清樓

樓虛千嶂合，水木澹清華。積雨仙源白，歸雲鳥道斜。褰衣凌野翠，捲幔拂秋霞。想見橫經夕，蒼藤落數花。

擬唐祖咏題韓少府水亭

少府愛清暉，孤亭近翠微。石林娛曉坐，池水淨風扉。野鹿銜花過，溪雲帶鳥歸。何須謝纓冕，臨眺始忘機。

擬唐祖咏蘇氏別業

忘機依別業，豐水帶南山。野竹連孤嶼，溪雲伴獨閒。鹿鳴花外去，鶴夢雨中還。寂寂何人叩，年年但掩關。

送人奉使市馬

使節向宛西，承恩出御堤。千金求駿骨，萬里得

歷代詩選 明王安中
霜蹄漢武思神驥。燕昭重馭駛。歸朝應早計。首
宿苑中齊。

夏日遊碁山寺

載酒空門下。林幽暑氣清。半天聞梵語。雙壁隱
鐘聲。野鳥知禪意。孤雲薄世榮。何應謝塵事。從
此學無生。

送中州林逸人歸龍塘

幽棲何處是。積水近柴扉。樽酒沙頭別。輪軒月
下歸。竹深林鳥待。村遠故人稀。遙想齋居裏。狂

吟竟落暉

梅江送林澤中歸嶼南

賣藥偏成隱。相逢但布衣。梅江秋外別。花嶼雨
中歸。遠火千峰夕。遙鐘獨雁飛。自言今白首。此
去故人稀。

客中見新燕

可憐江上燕。幾日到烏衣。欲向誰家去。多應舊
主非。落花深巷小。喬木畫梁稀。自笑天涯別。秋
風想未歸。

歷代詩選 明王安中 書陳思孟家藏古畫

絕壁凌仙梯連峰出孤鳥天虛靈籟寒月隱泉
蘿曉長嘯入蘇門跫然足音少

題水墨小景

江城何人夜吹笛零落梅花曉無跡僊嶠蒼茫
隔海青人煙寂歷連秋色何處征帆天際歸夕
陽楓樹鳥邊微磯頭亦有垂綸者甘向滄浪老
布衣

書漁樵畊牧四畫

石田新雨苔花碧禾黍秋香百餘石誰教釀作
甕頭春醉裏看山了殘帙讀書何必問時清縱
有荒年莫廢耕鹿門精舍青山裏春去秋來無
宦情

耕童生小無所知慣騎牛荷度晴陂橫吹紫竹
無宮調笑殺五陵游俠兒荒林野水涼蕭瑟山
葉吹霜鳥邊落信陵墳上草青青幾見幾碑礪
牛角

題馬自牧水墨山水

雁行詩選 明王安中
鳥外懸蘿青幾峰紅泉翠壁花蒙茸人間不見
問津者林下空餘避世蹤昨夜山中度涼雨落
木寒猿半窗曙日夕天空鏡水深不辨仙源在
何處

吳城懷古

姑蘇城下刺蘊撓却憶吳王古市朝香輦路邊
春寂寂館娃宮外草蕭蕭千年往事空啼鳥半
夜疎鐘自落潮明發不堪回首處暝煙秋雨過
楓橋

賦得白雁送人之金陵

燕山榆葉望秋稀雪羽瀟瀟向楚微夜雨蘆花
看不定夕陽楓樹映初飛影隨漢騎營邊落夢
遶胡兒笛裏歸君到石城霜漸冷暮雲聲斷欲
沾衣

送人貶海南

官亭幾度飲離觴此夕憐君謫遠方馬上看山
椰葉暗津頭沽酒荔枝香秋深嶺表猶多瘴臘
盡天南尚少霜憔悴更須懷直道臨岐何必淚

唐詩選
卷十八
三
沽裳

和林孔逸見寄之作

淮陰漂泊歎王孫
生事蕭條一劍存
春草閒堂思舊業
暮雲孤館寄荒村
月明野寺同栖鶴
落葉寒山聽斷猿
傾蓋相逢誰似者
且陪歌舞倒芳樽

寒夜宴別陳叔晦得霜字

縣城高館宴離觴
共對寒燈別意長
孤嶂啼猿驚落葉
誰家殘笛度微霜
雲山驛路遙相送
魚

烏滄洲舊莫忘知爾懷人何處是秣陵春樹遠
蒼蒼

送林彥賓之淮上省兄

斗酒何須惜路岐
此行偏感鶴鴒詩
青山野店淮南暮
孤棹微鐘雪後時
猿斷危關驚落葉
鴻飛滄海憶連枝
十年官冷英山下
幾度看雲悵別離

留別馮公魯兄弟

海國微霜葉已丹
玉壺清酒夜漫漫
天寒客路

歷代詩選 明王安中 卷十八
鴻聲曉月落芳江樹影殘情在不堪分手去興
來猶戀故人歡惠連羣從偏能賦一曲騷歌欲
和難

爲陳毅駿賦東墅閒居

習靜何須隱翠微但聞心遠便忘機窗臨絕嶼
雲來近門掩荒洲客到稀禾黍露寒秋釀熟蒹
葭霜冷夜漁歸知君悟得幽棲趣漫向清時泣
布衣

近體留別楊二高隱客三山

別情羈思共何如迢遞鄉山夢有餘仙井碧泉
恩舊業客庭芳草對離居關河夜笛鴻飛外海
國春帆雪霽初愧我萍蹤無住着知君終食故
江魚

寄蔣節庵鍊師

觀門迢遞碧蘿陰塵跡空懷物外尋滄海月明
人去遠瑤池秋晚雁來深孤雲野鶴悠悠別積
水江楓夜夜心遙想山中多勝事相思時復寄
瑤琴

寄曾伯剛趙景哲

鴻雁南飛不寄聲暮雲春樹遠含情白湖高館
何年別青浦孤帆幾日行香界竹深僧共隱市
樓花滿酒同傾誰憐白髮滄江上閒倚東風聽
曉鶯

送別林彥時之建上

黃葉紛紛秋滿天故人今夜惜離筵他鄉見月
長爲客別路逢霜半在船劔浦綠蕪連晚燒幔
亭荒樹帶寒煙明朝碧水丹山下知爾相思若

簞邊

送兵衛從事考滿赴銓

幾年從事總兵機千里轡軒入帝畿驟騎別時
多載酒故人分處尚留衣秦淮遠火春鴻斷長
樂微鐘晚雪稀聞道宦遊西上好莫將尊菜憶
東歸

鷓鴣

綠樹殘春外雙飛錦翼齊長沙有遷客莫向雨
中啼

綠湖

雲歸蘋葉齊
雨積波聲小
日夕水容青
飛來雙白鳥

書陳平叔山水扇頭

鳥沒山意寒
漁歸水容夕
長嘯望林扉
微風動蘿薜

蘭亭懷古

袂袂亭中日
漸低昔人行
處草萋萋
多情最是山陰鳥
啼向春風滿會稽

咏秋風

青蘋江上響
瀟瀟吹得林間萬
葉飄何處
淒涼最關別
數株殘柳灞陵橋

挽方山關維那

雙樹花飛送
斷香六時經
梵轉淒涼
青山何處堪垂淚
殘月疎鐘下影堂

老漁

生事終年在水鄉
龍鐘雙樹髮如霜
于今不奈磯頭坐
閒弄兒孫卧草堂

僧房秋夜

古木寒巖坐入禪
碧蘿飛處一燈懸
蕭蕭天籟
千峰月夢落秋潭
午夜泉

胡兒吹笛

雪淨陰山片月孤
數聲羌笛起單于
不堪吹作
梅花調
多少中原客在胡

咏秋風

朝來拂拂灑征衣
吹得關河葉漸稀
回首茂陵
何處在空餘
汾水白雲飛

王安中詩刻十子集之外又有草澤狂歌一冊徐興公屬予選之附于其後

賦得凌霄花寄友人

凌霄產朱夏因依鬱青蒼
引蔓絙高樹垂陰近
中堂炎風媚朝景
暑雨滋紅芳
容華難久恃
採折空自傷
欲寄同心者
道遠川無梁
諒非松柏
操佇立徒慨慷

梅城小景

滄江湛回流
荒城出花嶼
海色明遠洲
嵐光過

歷代詩選 卷三十一
新雨漁家孤笛秋煙火疎林暮漠漠天際帆蒼
蒼鳥邊樹若人靜者流持竿得真趣取樂非取
魚日斜忘歸去

題東華觀壁

林館隱空青鳥外三花夕藥草半庭閒煙蘿數
莖碧陰林絕行蹤曠古多靈跡獨鶴天際還寒
流月中白偶與仙人期塵心坐來息

鷓鴣啼懷林十二謫後

鷓鴣啼聲鈎輶空林積雨寒蕭索黃茆嶺上幾
人行綠樹村南萬花落鷓鴣啼聲格磔誰使霸
陵遊翻成夜郎別惆悵偏傷行路心苦道行人
行不得昨憶王門聞曙雞今朝愁聽鷓鴣啼驛
樓宮樹曾不悟旅舍郵亭應始知鷓鴣啼草萋
萋長淮路去勿迷

霜天曉角

女垣啼鳥天已霜玉龍一聲愁斷腸商聲淒淒
羽聲切騎士孤臣皆惋傷玉門斥堠連沙漠置
酒軍中少歡樂鐵面將軍恹不驕碧眼胡兒淚

歷代詩選 明王安中 三
先落落水蕭條渭水頭隨風悲壯五陵愁可憐
金粟驪山下誰識千秋萬古愁自從棄置江淮
久幾處聞之先白首暝色摧殘隴上春風光不
度邊城柳今宵縱酒欹接羅雪花着人寒不知
鹿樵別後聞吹角與君因此長相思

海上贈別駕馬英

杜陵才人新豐客劍佩相隨舊鄉國縱酒狂歌
梧葉秋遠遊夢著邯鄲陌黃金高臺無復過青
雲失路古來多諸侯貴門君不到五陵豪氣今

如何我今家貧誰比數黃葉秋風滿窗戶半室
閒棲嶺上雲一瓢獨飲山中樹薄俗紛紛那可
言暫時貧賤不須論君看舊日揚雄宅寂莫蒼
苔空閉門

雞公壘

荒崗古墓雞壘邊蔓草離離生野煙狐狸養子
隱荆棘烏鳶作巢銜紙錢石麟埋沈土花濕雕
磚劍落樵人拾天陰螢火暗復明月下精靈語
還泣此墳未必無子孫夙昔傳聞皆宦門浮榮

歷代詩選 明王安中
一去不復盛空餘古木啼清猿誰家新冢高數
尺又買西家墳上石憶過秦中北邙路喪車麟
麟冢無數黃金買山葬死灰昨日官軍斫墳樹
崩塋斷壙襟苔痕觸體無聲眠草根生前意氣
動山岳身後淒涼邈九原

洗馬潭

苔髮粼粼古潭淨奩淪積水流天鏡昔人牧馬
今不還蔓草繁花自相映憶昔前朝全盛時驂
駟比撥人爭騎風流一去夢相似陳迹空爲人

所疑牧叟耕童閒來集對此誰能感疇昔磯下
從教鹿飲潭沙邊不管牛行迹昨夜風雷繞太
清青山鬢髮聞龍鳴此中何代無英者會見承
平人洗馬

山中喜故人織衣使者見過

谷口夜來雨開門碧苔深草屋絕倚侶鬱鬱愁
我心臺中故人舊相得別來不道青雲隔驄毛
駿馬繡衣裳飄飄來問山中客山中野人獨布
衣十年分與故人稀薜蘿深處開花徑猿鳥聲

歷代詩選 明王安中 三
中候竹扉西遊不問行來久且喜林閒一携手
幾度空看海上雲相逢好醉杯中酒酒酣擊劍
歌未終樽前別思又匆匆美君大隱金門裏嗟
予還卧青山中寥寥日將夕芳草萋萋謾相憶
滿地殘花送馬蹄天涯目斷愁難極

聞笛歌送人之塞上

橫笛對離亭扁舟越江口月下何人最斷腸天
涯怨別吹楊柳楊柳繁音愁復愁梧桐蕭瑟江
楓秋長林半夜葉皆脫積水三江雲不流長夜

漫漫聽未了變羽回宮猶嫋嫋越海天邊鳥不
飛闕關月暗猿聲小須臾一曲更淒清零落梅
花滿楚城楚城迢迢接沙磧邊客聞之淚俱滴
黃埃積雪暗長關絕域窮荒草根白此夜愁心
獨對君明朝悵別又離羣單于城上吹羌管知
爾相思不忍聞

寄宿田家

日暮寄宿在田家谷口南風生棗花田夫歸來
繫牛牯向前問客何鄉土厨頭喚婦具黃梁樹

歷代詩選 卷十八 三
裏携瓶沾酒漿木綿作衾溪石枕青竹爲燈照
吟影田夫更語妻勿嗔客子不是尋常人

送人復雷陽軍

十月河水寒北風柳條折行人懷往事恨恨不
能別男兒慷慨重橫行魚腸三尺角弓鳴時來
看子請纓去玉門何處煙塵生

古鏡

妾有蟠龍鏡秦王在時見瀟灑隱菱花蒼蒼蝕
虫篆浮雲薄太清孤月沈秋練從此知妾心何

由見君面

書靈山法堂

香臺隱鷲峰鐘聲雲蘿深半壁見燈影虛空聞
梵音忍草被幽石靈花曜陽林惟應虎溪水可
以清塵心

九日

落葉滿秋山親朋杳靄間江村多雨外世難幾
人還白髮偏能長黃花好是閒聊將一杯酒漸
爾解離顏

歷代詩選 卷五十八
三谿贈陳澄清

書幌連溪曲春流拂樹過
野花雲際落山色鳥邊多
薄分違纓冕幽情戀薜蘿
欣逢魯中叟談笑復如何

送盧紀造士入京

官柳拂行塵孤城帶遠人
海天殘雪夜京樹隔淮春
白髮相知少青山獨夢頻
斯文應未泯行矣莫羞貧

夏日遊靈瑞寺

鶴石孤峰轉龍宮古道斜
如何在人境亦自有仙家
流水舟梯近歸雲覺路賒
勝遊須永日何必問生涯

送人奉使日本

扶桑東海際望望水雲深
曉月都門淚秋風別使心
魚龍驚漢節猿蜃貢南琛
且復勤王去歸朝蚤賜金

晚過龍門渡因訪高漫士

向夕龍門渡風潮半落霞
暫停遊子棹得訪故

歷代詩選 明王安中 卷十八
人家浦口魚罾近津頭酒幔斜脚蹏那忍去乘
月涉江沙

過皇恩舊寺僧錫京行廊廡蕭然徘徊而
還

上國僧遊去山門日自開紺園依綠草畫壁上
蒼苔谷暗猿初斷林空鶴未回惟餘舊童子笑
問客何來

秋江送客

殘柳綠依依離尊對夕暉斷鴻隨去棹落葉映

行衣楚國煙中盡淮山鳥外微宦遊終在客晚

歲早言歸

送人使邊

漢節下青冥邊人望使星纈衣辭鳳闕驄馬入
龍庭雪淨胡天綠春回塞草青須令月支長函
表到王庭

老將還鄉

百戰解重圍三邊受鐵衣蕭條關塞別迢遞故
園歸舊業春苗長青山白髮稀獨憐閒夜夢猶

歷代詩選
卷之五
三
繞羽林飛

○夜寒曲

霜葉冷颼颼鴉啼井上樓
轆轤哀響斷蟋蟀夜
聲愁繡被蘭香滅銀箏雁影流
相思紅燭盡敲碎玉搔頭

暮秋太常峰掃松楸

迢遞孤峰裏含情對古丘
苔碑空鳥跡山葉帶
猿愁野燒泉門夕寒花隴樹
秋臨風一澆酒回首淚雙流

海江送林中洲歸

不羨魚羹飯寧甘菊菹
香小齋隣蟬舍曲几近
蛟房別路分沙堰
衣受海霜到家看舊篔簹
涼月滿橫塘

廣陵懷古

海門潮落見瓜州
雲樹蒼茫馬上遊
千里河山歸禹貢
百重煙水入淮流
蕪城積夢騎花月
隋苑傷心碧草秋
二十四橋人靜後
爲誰還倚木蘭舟

用韻答林大

正爾交情似海深不堪離別淚沾襟幾回見雁
思鄉信千里移家共客心新酒黃花連夜榻西
風寒葉響秋林天涯共住同蕭索莫惜逢人寄
遠音

答梅江陳以方

先生清隱謝浮名數畝山田也自耕家近沙洲
饒蟹舍客留鄉館有魚羹寒山對酒同誰賞野
寺尋鐘慣獨行遙枉新詩問流落相思一夜斷

猿聲

秋日留別劉大

十年分手隔山川乍見那堪又別筵白髮醉看
青鏡裏黃花飄近有鷗前雙湖積水啼孤雁獨
樹高原鳴亂蟬何事最關離恨切月明重語舊
箏絃

其二

年少與君輕別離肯將清淚灑臨岐那堪短褐
飄蓬後不似寒窗剪韭時遙夜客心懸絡緯隔

簾霜影動辛夷十年此會仍分手何得離樽復
共持

梅城夜泊

澤國秋風旅雁飛海天愁思正依依孤城背嶺
聞吹笛白露橫江臥濕衣砧杵遠村寒事早市
橋殘火夜漁歸興來且醉梅江月遮莫鄉原落
夢微

○行次海上

曉風吹酒動離顏別路蕭條草樹間積水亂流

疑夢渚一峰中斷似君山雞鳴海曙寒潮小雁
引秋聲落葉間行李飄飄何處往暮雲飛鳥倦
知還

送友人流西蜀

鳳林關路遠悠悠惆悵行人過陝州渭水寒流
秦塞晚灞陵殘雨漢原秋玉門壁壘看應徧白
草黃榆夢亦愁江海同人今已盡南冠何事到
君頭

○白雲菴

歷代詩選 明王安中
白雲深處蒼苔碧 蒼苔蒼蒼一逕微 翠壁紅泉
分鳥道 石林精舍挂僧衣 三峰月出聞猿斷 五
粒松香見鶴歸 今日置身丘壑裏 了然心地發
清機

寄劉三知己

客居風景似湖南 長美山中酒共酣 歸夢幾回
梧葉雨 懷人多在菊花潭 空林野雪閒相待 魏
闕青雲遠自慚 聞說茂陵仍卧病 獨將心事問
誰堪

擬王摩詰積雨輞川庄上

石林迢遞輞川斜 積雨煙空見槿花 翠壁紅泉
分鳥道 白雲芳草半人家 幽蘭柴口朝行藥 淺
石沙邊暮浣紗 纓冕向來真外事 欲從僂叟夜
燒畬

送王董教歸沔陽

祖道黃花白露寒 江亭澆酒悵離顏 鵲鴿共向
沙頭別 鴻雁分飛雨外還 夢渚雲開三峽水 漢
陽帆帶五華山 泮林此後應相憶 莫遣音書滯

歷代詩選 明王安中

楚關

○孟夏山居

卜居曾費買山錢。林下蕭條屋數椽。絕澗垂蘿時見瀑。綠槐殘雨晝聞蟬。潭邊鹿過疑盤谷。嶺口人看似輞川。自是幽棲無外事。閉門閒讀養生篇。

擬唐韓君平送長沙李少府入蜀

世路何如蜀路難。臨岐誰不悵離顏。湘潭騎影寒流外。巫峽猿啼夕照間。夜火錦城江上驛。暮雲劔閣鳥邊山。秋來應有相思夢。莫惜音書寄往還。

寄博羅林董教

石林祇樹隱層阿。却向空門奈別何。殘燭夜深泉影盡。離筵寶散月明多。還山逸興休魚佩。避世閒蹤卧女蘿。城郭雲林從此別。曉鐘聲裏唱離歌。

秋過紫雲洞

仙源迢遞紫雲間。逸興逢秋偶獨攀。遼海鶴歸

歷代詩選 明王安中
空夜月瑤臺人去但荒山苔邊積水流天鏡鳥
外遙峰點翠鬟石竹房中孤磬晚此身那似野
僧閒

二喬圖

雙娥嬌掩爲誰顰反被榮華誤却身回首東吳
何事嘆野煙寒水更愁人

春山欲雨圖

寂歷青山靜賞機野情那似宦情微抱琴欲渡
湘江去雲暗蒼梧雨色飛

雪灘鴻鴈

北風吹雪度河關家近瀟湘夢亦閒猶勝銜環
舊時雀孤飛正在紆千山

早寒

客舍迎寒獨未歸白雲鄉樹遠依依西風黃葉
如相識故向山陽遂裏飛

臺城送客之廣陵

金陵樹裏送行舟二十四橋春水流腸斷瓊花
天上去更無歌管下揚州

憶山中精舍

一從巾舄別林扃
清梵香臺夢裏經
遙想秋來風露冷
芭蕉抽葉幾回青

野航風雨

楓樹蕭蕭野水西
楚天雲雨正淒迷
滄江欲暮風猶急
誰泛扁舟更出溪

送人歸蜀

蜀棧凌雲不見行
劔門煙樹最關情
君家正在魚鳧國
出盡平川是錦城

題秋江待渡扇面

孤庭楓樹暮江頭
何事匆匆逐去舟
莫向瞿塘灘下過
兩峴明月斷猿愁

折茶蘼

手挽長條刺拂衣
淡黃疎白共芳菲
五陵年少無拘繫
落盡殘香未肯歸

碧筒飲

翡翠盤深瀉綠波
曲莖微滲藕香多
寄言河漢流連飲
莫把黃金鑄綠蘿

雨後秋山

遙天雨過亂山蒼
千樹高原葉盡霜
惟有西風松柏裏
白雲深閉野僧房

客中見新雁

西風初別塞垣秋
迢遞分飛楚水頭
客裏心驚那忍見
故園兄弟益關愁

林應聘跋云王典籍草澤狂歌向未登木徐
惟和得自張海城先生不啻若拱璧然乃抄
錄未竟而逝予藏篋中不忍閱視傷人琴之

亡也頃慮散佚強泪抄成仍送之綠玉齋以
成惟和之志蓋亦効掛劍徐君云爾萬曆壬
寅秋七月志尹氏題

附唐泰詩

寄林七欽

千里一爲別思君遠更親
雲霄心獨倦江海業
長貧古道迷黃葉寒汀覆白蘋
秋風如有待歸計欲垂綸

過黃玄之山居

半生流落意相見但依依卧病看春盡愁心對
客稀砌花飄砌戶畦藥映園扉莫怪頻來此滄
洲興不違

訪陳逸人

久別頻相憶知君獨掩扉跡留塵外遠春向夢
中歸幽戶寒苔淺深花暮鳥微近來詩酒興翻
與故人違

送王秀才偁之春官

同遊冠蓋正紛紛南國才華獨數君名列上庠

深問道年猶弱冠解攻文秋齋燈影花深見晝
幔書聲竹外聞共喜窮經過伏勝誰能壯志忝
終軍扶搖已縱爾南溟浪裏仍空冀北羣路向
吳關飛朔雪朝趨魏闕霽春雲華裾想接金門
侍野服將令社客分何處高吟可相送冬青葉
落出江濱

過賈誼宅

聞君放逐此淹留獻納空懸漢室憂舊宅獨臨
湘水遠遺文曾弔屈原愁青楓極浦煙光晚白

歷代詩選

明唐泰

四

滄洲
鳥空江樹影秋西望不堪懷古意欲因歸去卧



國家圖書館, NATIONAL CENTRAL LIBRARY, TAIWAN, R.O.C.

陳亮傳

陳亮長樂人字景明故元儒生也其學無所不窺明興累詔郡縣徵遺逸或推轂亮亮曰昔唐堯在上下有箕顛吾畏迹明時游戲泉石間吾志慊矣吾豈願仕哉遂掉頭不出作讀陳搏傳詩以見其志山中爲小樓號曰儲玉購四方名書唐之又作草屋滄洲中與名士王恭高棟爲文酒日過從暇則泛園江歷名山投上方蘭若尋僧問得意豁如也時時往還三山中爲九

老社以此自終亮爲詩冲澹悠然有陶孟之風

鄭定傳

鄭定者閩縣人也字孟宣善擊劍工古篆行書
陳友定辟爲記室友定敗鄭定浮海亡在交廣
間久之稍還遂居長樂

高皇帝末年徵授延平訓導歷齊府紀善國子
助教著詩數卷號曰澹齋集今軼不傳

陳亮鄭定傳

終

石倉十二代詩選

明詩卷之十九

儲玉齋集

大明

長樂陳亮著

後學曹學佺闢

秋日登御風臺

雁峰有高臺西望近林嶺乘閒一展眺舉步凌
絕頂秋高瀨氣蕭風物漸淒冷寒蟄始發聲過
雁有遺影惟時收穫竟遠目足馳騁北海澄不
波西山碧逾淨蕭晨感搖落賞玩愛清景未結
塵外遊卽此足幽屏

歷代詩選 明陳景明
古意呈陳漢臣

鬱鬱澗底松離離原上草春風一吹拂秀色相
映好金商行素秋滋蔓已枯槁大材終不凋且
向巖壑老娟娟孤生竹托根在別島枝幹苦不
長風煙莫能掃寒暑更代謝霜雪正傾倒相期
抱幽獨貞堅以爲保

秋日感懷

白露下庭樹忽然天地秋蕭條海上望愴惻令
人愁世路日梗紛干戈滿中州王業豈不廢唐

然如綴旒嗟彼徇名人尚愛關內侯南琛效職
貢盡逐滄溟舟甲綬何纍纍報國無良籌獨有
雲臺子深懷感頽憂

遊瑞巖

古磴入幽洞危亭俯層巔昔聞臙魅居勾作甍
率天生平愛奇觀雙屐勞攀緣安知窮海陬有
此佳山川涼秋天宇晶四壁無浮煙憑高送遠
目海色清無邊聞筵薦芳樽拂石看名鑄登臨
慨素賞感槩傷華顛一丘志未酬百慮紛相牽

歷代詩選 明陳景明
日夕返吾策高懷徒悵然

夏日過石首簡天石老禪

世累日多門馳驅厭塵雜駕言尋招提雙屐蚤
已蠟霜餘葉盡飄回首見孤塔入門謁金仙鐘
鼓響鐘鞞吾師投迹久終歲一舊衲曾從大方
遊已悟世外法深居行無取問語終不答竹影
覆經房茶煙繞禪榻天寒日苦短千嶂夕陰合
笑別虎溪頭松風起蕭颯

奉別吳志孚先生

澤國鴻雁集衡門風雨深齋居抱行素惻惻感
秋吟久懷延陵風高駕幸過臨惠然襟期合孰
云曠難尋既潔樽中醪載拂牀上琴無言一會
易賴寫千古心憶昔傾蓋時游集多朋簪臨觴
忽不樂感舊復慨今盛時不重來白髮苦相侵
斯文恐將墜勗爾道自任三江多蘭茝地古饒
雲林跂望信脩阻尚憶金玉音

冬日遊嶼南登龜石賦詩貽同志

疇昔過茲鄉駐馬望龜石蹉跎兩鬢華始作登

歷代詩選 卷十九 三
臨客是時冬向深氣候未蕭瑟追隨得良友周
覽訪奇跡浮雲散輕陰日霽見海色千巖含暮
景湖影浸空碧郊原紛綺錯左右羅第宅向來
多賢豪聲譽何籍籍良辰作佳遊此地幾登歷
我來一感慨俯仰視今昔落日松風生遲回景
將夕

陪徐汝澄元暉元中張宗獻陳彥初諸君
飲陳太真湖亭順泛滄洲磯遊三山書
院沿郭西而歸同賦

白日照湖曲嘉樹藹芊芊開筵眺麗景卷幔俯
晴川遠岫列蒼翠芳洲紛眇綿揮觴觀魚鳥寫
興吟蘭荃落日舉輕權幽情期賞延沿淮入空
澗望盡雲霞天天際見新月城頭生暮煙預愁
鼓角動飲散各言旋

秋日訪董伯元于玉溪李子麟招飲得吟
字

久別垂致書暫喜能盍簪訪舊獲新益式契求
友心半生紹箕裘常恐力不任栖遲就荒陬號

使殷憂深溪光湛虛明露氣浮高林虛齋坐起
越庶以開煩襟杯盤勞親朋幽賞難重尋聊持
合弁樂寫作清夜吟

高彥恢適安堂

卽地可棲遯何必遠結廬作堂依故宅聊以適
起居青青映戶庭嘉木羅罍且敷圖史積左右日
與文士俱有時風日佳吟行步前除蕭散咏樂
情暢然形神舒用世豈無心出門畏嶽嶮優游
保貞素庶得遺毀譽

澹虛亭爲何明府作

結宇臨清曠賓客日過從有時抱幽獨深覺心
賞通霽月澄清景微雲含水容羣動喧已寂衆
色望俱空了與世氛遠豁然心境同冥懷信足
樂王事徒勞喪何日拂衣去高攀陶令風

六月初七夜與嶺南族中長少二十二人

乘月泛西湖示諸同遊

落日動高興輕舟過碧潯方欣齊橈樂復惜羣
山陰時愛波上月清光猶未沈乍離洲渚淺稍

入蒲荷深花香襲人衣水風涼我襟杯行吸素
彩曲度飄清音繁華不可再新賞良在今

再送唐進士士昭之京

鷲鳥刷勁翮志欲凌九霄神魚鼓巨浪豈憚禹
門遙十年磨干將試用在一朝學富名早著才
高權宜超衰年辱見知聽言生風颺將期白首
好無奈青雲招春風吹江水草色滿河橋追攀
不可及佇立送行鑣

秋暮懷劉宗魯

海國別來久長懷瓊樹枝閒齋坐幽獨悵望秋
風時自非物外人邈焉難與期空傷綠華歇坐
惜白日馳徘徊孤月明愴惻蛩聲悲對此更愁
予勞歌空爾思

田園感興

近宅數畝田種秫仍種秔三時力農事幸見秋
禾登大兒能了官輸租先入城小兒方能學穡
長還願耕不喜兒孫多不願倉廩盈所願薄稅
歛庶幾家業成

壬辰春淮南有警報元帥吳公首議築城
求故址劉氏祠堂在焉傷其毀折慨然
有作
湧泉門北湖西偏劉公祠堂垂百年華榱傑棟
壓湖曲老榕脩竹摩蒼煙羽書昨日淮南至官
司已卜城濠地毀垣折屋行見嗟累歲經營旬
日廢風亭月榭一時空回首舊遊如夢中更說
當年樛里子誰令卜宅近秦宮

題畫竹

王維遠矣蕭郎死墨竹古來俱可數自從老可
出湖州世人始信前無古。此圖高古不知名欲
與湖州相抗衡森森矛戟自相向浙浙枝條如
有聲高堂素壁時張掛瀟灑渾疑却炎夏莫言
無地種琅玕自有清風滿圖畫

悼犬行

沙村月黑無人行猛獸咆哮繞舍鳴時來攫取
村中犬突入籬落居人驚韓盧烏喙誇疾足平
地寧知羅虎毒十家九室無吠聲更恐穿牢墜

歷代詩選 明倫彙編 十七
黃犢君不見岑君昔在魏郡時吠犬不驚足生
鬣又不見九江當年有循吏羣虎渡河俱遠避
方今政美時復平那得此物來縱橫誰能驅屏
入窮谷却使騶虞地上行

雪山歌送人宰蜀邑

西山巖崿連雲起東望錦城如井底四時積雪
不曾消春來盡作巴江水郎官未識蜀山川馬
首西行如上天歸到琴堂長對雪益思美政答
豐年文翁舊化今如夢期月應知藹絃誦蜀人
解道杜陵詩盡說公來雪山重

歲簡彥衡彥賓昆仲兄客陸庄第客鎮右

陸渾庄畔多芳樹舊識德成巖下路書堂正對
大溪頭猶是仲蒙舊居處讀書何必傍溪山書
編圖典自相關亦知林下雲泉好應恨隄中日
月闌客衣未垢寧辭浣湖上月明隨往返却憶
惠連深下帷一去不知春事遠近隄蒲葉已含
滋五日歸心豈肯遲預拂東林松下石與君長
日話襟期

送林孔逸從軍北上

脫却縫掖衣更結曼胡纓安能鬱鬱事筆硯男
兒本自重橫行越王山下秋風起塞北此時嚴
保壘皇家選士重防秋迢遞征途從此始從軍
莫問所從誰抱藝懷才無不宜籌邊亦自有奇
策專事弓刀徒爾爲此行壯氣何激烈酌酒送
君那忍別萬里封侯非所難玉關功成須早還
賦得萬石岡爲宗獻劉君作

蒼山西行爭駿奔衆峰獨有籌峰尊連岡坡陀
走平陸參錯萬石如雲屯我疑秦人鞭石走來
與人間作崗阜又疑仙子遺羊羣有形猶似猛
獸躡乃知元氣自凝結異狀奇姿紛突兀秋風
不掃白雲根曉霧長迷玄豹穴曾聞山下有高
墳彭城餘澤多子孫聲名能與崇岡金他日當
爲萬石君

代賦野堂詩

白沙深淺映叢篁中有幽人卜草堂繞屋晴波
浮鴨綠近隄新柳拂金黃芳洲水蒲鳧鷗集曲

歷代詩選 明陳景明 九
嘶風來杜若香。小艇繫籬閒不釣。青山當戶澹
相念。幽居豈必巖。栖遠涉世何如書。味長龐德
只將安遺子。馮唐不覺老爲郎。牀頭古帖從人
借。缸面新醪約客嘗。誰道沽名高世俗。懸知得
趣在林塘。勝遊屢接湖山賞。晚學難追翰墨場
時得抱琴彈。夜月濯纓遺曲和滄浪。

答林允宗正同寓邑之溪上

自有當年約。宜開此日襟。相逢秋葉盡。共話夜
燈深。疎拙緣多難。遲迴負寸心。懷君吟嘯地。圖

史蒲東林

寄道士陳芝山

客舍重相問。仙標見轉難。一年秋復盡。兩地月
同看。宮巷聞絃誦。霞洲想珮環。聖朝方急士。莫
倚是黃冠。

晚春閒思

門巷客來稀。閒居靜掩扉。微風花自落。細雨燕
雙飛。向曉披遺帙。迎暄換袷衣。年年此時節。惆
悵送春歸。

九日節後希石林公邀遊西巖分得須字
佳色尚未遠登臨興不孤秋風吹遠樹暮色滿
平蕪白髮題詩懶黃花汎酒須幽棲終未果卽
此寄歡娛

題洋江林彥禎所藏洋江春晚圖

江上曉來晴春波鴨綠生山雲半斂色汀芷盡
含榮野艇乘潮去官橋隔岸橫亭中舒眺者猶
有愛鶩情

滄浪清隱

我愛滄浪水千尋見底清月明三島近風定一
波平清隱將遺世垂竿不釣名何時歌鼓柁相
就濯塵纓

夜泊古崎

寒山夜蒼蒼清猿數聲響風生蘆葦鳴水落洲
渚廣月出擁潮來時聞人蕩槳

贈延平王指揮

將軍英年負才武坐鎮閩藩樂風土旆拂九華
峰際雲帆開雙劔津頭雨太平不復事刀弓對